


SE BOIFENG

 A re feleng re eme feela nakwana ge re inamiša dihlogo tša rena pele ga Modimo. Ka dihlogo tša rena le dipelo di inamišitšwe, ke a makala ge eba go na le dikgopelo tša go ikgetha ka moagong bošegong bjo, tšeo o tla nyakago thapelo bakeng sa tšona. E no e dira e tsebje ka seatla sa gago se se phagamišitšwego. Morena a go šegofatše.

² Tate wa rena wa Legodimong, re batamela Terone ye kgolo bjale, Leineng la Morena Jesu, ka gore re a botšwa gore ge re etla le go kgopela e ka ba eng Leineng la Gagwe, se tla fiwa go rena. Gomme re nyaka pele go Go leboga bakeng sa kgobokano ye botse ye, mašego a mane a a batho ba go tlala ka Moya bao ba kgobokanego mmogo fa. Gomme re hweditše gore Lengwalo gape le netefatša go ba nnete, gore, “Kae kapa kae mo ba babedi goba go feta ba kgobokanego mmogo, Ke tla ba magareng ga bona.” Gomme re Go bone o fodiša balwetši, o kwalakwatša ditšhegofatšo, o botša batho se se tla bago, gomme re leboga seo kudu.

³ Gomme rena, bjalo ka baena fa mo sefaleng, Morena, ke leboga sehlopha se sa banna seo ke tsebago gore . . . Bakriste ba, masea a a sa tšogo tswalwa, ao a sa tšogo tla ka go Kriste beke ye, Morena, ke a rapela gore yo mongwe le yo mongwe ba tla hwetše legae la boiketlo mo, legae la kereke, le go Go phelela, le go šoma go fihla Jesu a etla.

⁴ Gomme a nke dipelo tše, tša rena re kgobokane mmogo, di dire tsošetšo ya fešene ya kgale go tla go kgabaganya toropokgolo go felela, Morena. Bontši . . . A nke e se tsoge ya fela, go fihla Jesu a etla. A nke go be le tsošetšo kgafetšakgafetša. A nke dikereke tše di tlatšwe, mogohle, gomme Ebangedi ya letago ya Jesu Kriste e dirwe go tsebja go kgabola dinaga.

⁵ Bjale, Tate, re—re rapelela ba ba phagamišitšego diatla tša bona. O tseba se se bego se le ka tlase ga seatla. Re . . . O tseba tšohle ka sona, kafao re no e neela go Wena, le go kgopela gore O tla ba fa kgopelo ya bona.

⁶ Gomme bjale re ngwathele borotho bja bophelo, Morena. Re nyaka O bolele le rena ka Lentšu, ka gore, “Tumelo e tla ka go kwa Lentšu.” Gomme re a rapela gore O tla e dira e tsebje go rena bošegong bjo, thato Kgethwa ya Gago. Ipontšhe Wenamong gape bošegong bjo magareng ga rena, Tate. Re a Go leboga bakeng sa tšohle tšeo di dirilwego le go bolelwa, le go lebelela pele go ye, go ba nako ye kgolo ya sehloa sa tirelo. Leineng la Jesu re a rapela. Amene.

Le ka dula.

7 Ke sema wo wo mongwe wa menyetla ya ka ye megolo, go ba le nako ye ya kopanelo mo le lena batho ba bakaone, mo ka otithoriamong ye ka Tucson. Gomme ke be ke le fa feela lebaka la matsatši a se makae, gomme ke—ke bile fa lebaka la matsatši a se makae, a ke re, gomme ke naganne mohlomongwe go tla fa le go se. . . Go tlogela ntle le go bolela e ka ba eng, goba go ba le kopano, go be go tla ba mohuta wa go lebega gampe. Gomme ga se ke hwetše sebaka go etela baena bohle ba bakaone ba, bao ke kopanego le bona fa ge e sa le ke eba sefaleng. Gomme ke duma nkabe ke be nka dula beke go kereke ye nngwe le ye nngwe. Ka kgonthe ke be ke tla rata go dira seo.

8 Gomme, eupša, ke thabile kudu gore lena masea a sa tšogo tswalwa, lena bao le sa tšogo hwetša Kriste beke ye. . . Ge nkabe ke le lefelong la lena, ke—ke be ke tla ikhweletša kereke legae ye botse magareng ga banna ba mo, kae kapa kae ke bego ke le kgauswiuswi le gona, goba ke kgethile go ya go yona. Gomme dikereke tše ke di etetšego, go na le ba bangwe ba banna mo, ke bile ka dikerekeng tša bona, banna ba kgonthe ba go tuka bakeng sa Modimo, ba tuka ka phišego, ba leka bokaonekaone bja bona go swara Seetša sa Ebangedi. Ke—ke thabela banna boka bao. Gomme, elelwang, banna ba ba dumela Ebangedi ya go swana ke emego fa ke e rerago. Ke bathekga ka tšhelete ba ka. Ke bona ba ba emago godimo mo sefaleng. Ga ba lewe ke hlong ka Ye. Ba a E emela. Ba dumela go Yona. Gomme ba mo, ba a nthekga, ba a nthapediša, bošego bjo bongwe le bjo bongwe. Gomme ke a nagana, ge o sa ye kerekeng, gobaneng o sa no ya go yo mongwe wa banna ba bakaone ba fa, le—le go tla ka kerekeng ya bona le go kopanela le bona. Ge ke be ke dula mo, gomme ke se modiredi nnamong, seo—seo ke se ke bego ke tla se dira. Ka kgonthe ke be ke tla ikhweletša kereke legae ye kaone le ba bangwe ba banna ba, le—le go tšea lefelo la ka ka go Kriste.

9 Gomme ge o se wa tšo o kolobetšwa, wena yo a filego pelo ya gago go Kriste, botšiša yo mongwe wa banna ba, gomme o tla amogela kolobetšo ya Bokriste. Gomme ka gona, gomme ge o se wa amogela Moya wo Mokgethwa, ba—ba tla tseba mोगwa wa go go laela, ka mोगwa wo o swanetšego go o amogela.

10 Ke ya go bolela ka seo mosong go difihlolo tša Banna ba Kgwebo, Morena ge a rata, pele, ka kolobetšo ya Moya wo Mokgethwa. Ke bile mohuta wa go tlogela ye nnyane ya Thuto mo, gobane re sehlopha sa go hlakana ka mo. Eupša, mosong, ke nyaka go bolela Molaetša wa boebangedi ka Moya wo Mokgethwa, ge Morena a rata. Bjale, ke a nagana difihlolo di thoma ka iri ya senyane. Iri ya seswai, a ke yona? Iri ya seswai, mo mosong.

11 Gomme bjale ke rata go phetla yo mongwe yo re lekilego, ge e sa le re le ka Tucson, go mo hwetša. Gomme mohlomongwe, ba bangwe ba lena baena mo, mohumagadi a ka no ba wa kereke ya gago. Ke nagana o tla ya ka leina la Charlotte Raney. A go na le yo

mongwe. . . Le a mo tseba? A o mo ka toropongkgolo? Charlotte, a o mo? Ke—ke. . . Ke mogwera wa sebele wa rena, gomme ga se ra kgona go mo hwetša. Ke mooki.

¹² [Yo mongwe o re, “Morwedi wa gagwe o mo.”—Mor.] Morwedi wa gagwe. Gabotse, nna, nna! Ke a makala ke yo mogolo gakaakang? Emelela, hani, e ka ba kae o lego. Ke a holofela ga o yo mogolo kudu gore ke tla go bitša hani. [“Yena šole.”] Oo, oo, nna! O nyakile go gola go feta bogolo bjola bja “hani”, a ga o? Ke a go leboga. O botše mme, “Modimo a mo šegofatše; gomme re a mo rata; gomme ka kgonthe re tla rata go mmona pele re tloga.” Gomme go no swara e ka ba mang wa. . . Billy Paul goba e ka ba mang fa, le go re dira re tsebe moo le dulago. Re lekile go le hwetša go kgabola tšhupetšo ya mogala. Re botšišitše go dikologa, mogohle, gomme ga se re kgone go le hwetša. Ke a go leboga, kudu. Gomme nako ya go feta ke go bone, o be o no ba serathana se sennyane sa nthatana.

Yo Mdi. Raney, samme wa gagwe—wa gagwe—wa gagwe.

¹³ Mooki wa go tsebega kudu, e bile yo mongwe wa ditaba tša kankere tša mathomo ke bonego Morena a di fodiša. Ebile o be a sa tsebe mo a bego a le gona, goba e ka ba eng, a tšhumilwe ka radiamo. Gomme Morena o be a sa tšo mpiletša go bodiredi bjo, bošego goba a mabedi pele. Oo, ke ye mentši, mengwaga ye mentši ya go feta, mohlomongwe mengwaga ye masomepedi, mengwaga ye masomepedi tlhano ya go feta. Gomme o be a le ka Louisville, gomme go rekoto ya kankere, ka Louisville, o be a hwile, mengwaga ye masomepedi. Gomme o a oka bjale, gomme go no phelega le go tia ka mo a kgonago go ba.

¹⁴ Gomme yo ke samme wa gagwe yo a tlilego Bodikela mo, gomme yena le lesea le lennyane, e bile nako yeo. Gomme ge e sa le re eba fa, re be re leka go ba hwetša. Gomme ke boditše Meda gore ke tla. . . mosadimogatša wa ka. . . Ke lebeletše mogohle, gomme ga—ga se ke kgone go mo lemoga. Gomme ke naganne mohlomongwe gore—gore o be a šuthetše kgole, goba se sengwe. Gomme nna, bošego bjo bongwe le bjo bongwe, ke naganne ke tla mo phetla. Ka gona ke e ngwadile, dilo tše dingwe tlase mo, ke be ke nyaka go di bolela, godimo ga pampiri ye nngwe, gore ke se lebale. Ke a tšofala.

¹⁵ Ke be ke botša Ngwanešu Moore. Ke ba bakae ba tsebago Jack Moore? Nnete, le a dira, lena Banna ba Kgwebo ba Bakriste. Modiredi yo mokaone ka Shreveport. E be e le yo mongwe wa badirišani ba ka kopanong. Ke rile, “Ngwanešu Jack, o a tseba, go ba thata go nna go elelwa gape boka ke be ke dira. Go be go fela, ke no kgona go elelwa e ka ba eng, thwi ka lebelo.”

“Oo,” o re, “gore bokgojana bjohle o gatetšego pele?”

Ke rile, “Ke kgole go lekanela.”

¹⁶ O rile, “Nna!” O rile, “Ke leleditše monna, mogaleng, ke rile, ‘O nyaka eng?’”

17 Tšeo ke—tšeo ke ditsela tše telele godimo ga tsela. O no ba e ka ba mengwaga ye mene goba ye mehlano bogolwane go mpheta. Ke a holofela ga ke hwetše seo. O be a no bolela seo, go le bjalo. Ke monna wa Moirish, tshegišo. Eupša, go leletša monna gomme wa mmotšiša se a bego a se nyaka, seo e be e tla ba se sebe.

18 Bjale, selo se sengwe, ke a go leboga, kgaetšedi, hani, gomme eba le nnete go—go re swara. Botša mme re nyaka go mmona, gomme re ya morago go bona Rakgadi Margie, gonabjale, Malome Bill.

19 Bjale, ke leboga kudu, ke leboga kudu, go sehlopha se sa badiredi ba ba thekgilego lenaneo le ka tšhelete mo. Gomme go Mokriste. . . Full Gospel Christian Business Men fa ya toropokgolo, ke a leboga.

20 Ke leka go tsena ka go lefelo le lengwe le le lengwe le lennyane nka kgonago, gomme re ka se kgone go ya go bohle ba bona. Molaodi wa ka šo, o dutše thwi mo, Ngwanešu Borders, yo a yago le nna le go dira dikopano. Gomme ke na le puku, gae, e ka ba ka mokgwa *wola*, e tletše ditaletšo, go dikologa lefase, gomme ba mpotša o na le ye nngwe a swanetšego go mpha yona mosong.

21 Eupša ka mehla ke ya feela moo Modimo a hlhlago. Ka gona, ge ke eya kua, gona nka kgona go tla Leineng la Morena Jesu, ka gore O nthometše bjalo ka moemedi. Gomme ke ikwetše go hlhlwa, ge ke be ke le fa ka Tucson, go ba le kopano ye. Ke naganne go tla ba kaone, gomme gagolo go ba le kopanelo.

22 Gomme ke ba bakae ba kilego ba gopola Fred Bosworth, Ngwanešu F. F. Bosworth, mokgethwa yo mogolo wa kgale wa Modimo? Gomme o nno ya gae Letagong, ka bogolo bja mengwaga ye masomeseswai nne, feela e sego kgale. Gomme o rile, “Ngwanešu Branham, o a tseba se kopanelo e lego?”

Ke rile, “Ke nagana bjalo, Ngwanešu Bosworth.”

23 O rile, “Ke baisa ba babedi feela ka sekepeng se tee.” Kafao, ke na le sekgoba bakeng sa yo mongwe, kafao ke leboga kudu.

24 Gomme ka mehla e nkgopotša kanegelo ye nnyane. Ke be ke etla ka gare, ka ntle, yo mongwe wa diašara o kopane le nna le go šišinya seatla sa ka. O rile, “E re, moreri,” o rile, “ke nna—ke nna ngwaneno.”

25 Ke rile, “Ke thakgetše go kopana le wena.” Gomme o mpoditše leina la gagwe, gomme o be a le monna wa Moirish, le yena.

26 Gomme kafao yo mongwe o mpotšišitše, nako ye nngwe, o rile, “O setšhaba sefe, Ngwanešu Branham?”

27 Ke rile, “Ke nna Moirish.” Gomme ge go na le. . . Gomme ge ba ka kgona go phološwa, go na le kholofelo go lefase ka moka.

28 Gomme kafao—gomme kafao o diregile go ba monna wa Moirish, le yena. Gomme o rile, “Ke rata dikanego tšela ka ga go tsoma.” O rile, “Ke rata go tsoma le nna.”

29 Kafao, gabotse, “O swanetše go ba dilo tšohle, go batho bohle,” le a tseba, “gore re ke re thopele ba bangwe go Kriste.”

30 Gomme go boleleng ka kopanelo, ke elelwa nako ye nngwe, gomme ke be ke le godimo ka leboa la New Hampshire. Ke be ke . . . Leo ke legae la tshepe ya moselamošweu. Ke be ke thea dihlapa bakeng sa dibera tše dinnyane tše tše tsothwa le mosela wa sekwere. Gomme re . . . gomme ke bile le lefelo, le pakelane, tente ya ka ye nnyane e be e le godimodimo, ka thabeng. Oo, ke bone lefelo moo meetse a wetšego godimo . . .

31 Gomme ke a tseba ke bile le bagwera batheadihlapi ba bantši. Ga se ka hwetša meetse a go lekanela ka Arizona go ya go thea dihlapa, go le bjalo, ge e sa le ke le mo. Ke nwa ohle a ka. Eupša e no ba . . . Seo ke selo se nnoši. Nna, ke rata naga ye, eupša ka nnete ke duma ge nkabe re na le matsha goba megobe, goba se sengwe tikologong mo. Gomme ke nna Mobaptist, le a tseba, gomme ke mohuta wa go rata meetse a mantši. Gomme kafao ba . . .

32 Ke bile le mogobe wo monnyane wo—wo monnyane ke bego ke thea dihlapa ka go wona. Oo, nna! Ke no di swara, le a tseba, go no rata go bapala le tšona, morago ke a di lokolla. Gomme ge nka bolaya e tee, nnete, ke tla ja yeo. Gomme morago ka morago ga mothalo wa ka wa go fofa, ke be ke swara sehlopha sa mokgapa wo monnyane wa nakadimaphakga morago kua.

33 Kafao ke robotše bošego bjohle ka tenteng ye nnyane, ke bile kua matšatši a mmalwa. Gomme mosong wa go latela, ke tšere selepe sa seatla sa ka se sennyane, ke ile ntle. Ke naganne ke tla ripa dithokgwa tšela go tlemologa, le go bapala ka troute yela lebakana. Nako ye nngwe, e ka ba gosasa, ke tla be ke eya tlase gape, tente ya ka ye nnyane mokokotlong wa ka.

34 Gomme tseleng ya ka go boweng, go bile le m—m mme bera le diberana tša gagwe tše pedi di be di tsene ka tenteng ya ka ye nnyane ya kgale ya mokotla wa kgale. Kafao, gomme ga se se di se jago, ke se di se senyago. Oo, nna! Di rata go dira dilo di kgeretlane. Tšona di Pentecostal, go fihla kgwekgweng, ka tsela yeo. Kafao di—di no—di no rata . . . Di no rata seo. Kafao di tsena ka gare gomme di rotlela phaephe ya setofo fase, gomme di no e ritaganya. Bjale, go bolela ka lešata, gabotse, bokaone ke tlogele yeo e nnoši. Le a bona?

35 Nka netefatša, e ka ba eng ye e se nago maikutlo ka go yona e hwile. Kafao ge bodumedi bja gago bo se ne maikutlo a manyane ka go bjona, bokaone o bo bitlele, gomme—gomme o hwetše se sengwe. O swanetše go ba le maikutlo go phela.

36 Gomme kafao hlokomelang, ye nnyane ye ya kgale . . . Ge ke etla godimo, ke kwele lešata. Gomme ka lebelela godimo, gomme

go be go le mme bera wa kgale le baisesa ba gagwe ba babedi ba bannyane, ba be ba tsene ka kua. Gomme ba nno kgeila se sengwe le se sengwe se bego se le fao. Kafao ke tsebile e be e le “kampa ya go kgeiga nako yeo gomme ka ya.” Kafao nako yeo ke lebeletše, gomme mme bera wa kgale, o tšhabetše lehlakoreng le tee. Gomme a hlaeletša, le a tseba. E be e le bera ye ntsho. Di no se be tše kgolo kudu. Gomme kafao o tšhabile le go hlaeletša diberana tša gagwe. Gomme ye nngwe ya diberana e tlile go yena, gomme ye nngwe ga se ya tla. Gabotse, ke maketše, “Bothata ke eng lefase?”

³⁷ Gomme ke be ke na le sethunya sa kgale sa go rusa se robetše godimo kua ka tenteng yela. Gomme, eupša, ke a thanka se be se robilwe ka nako yeo. Gomme ke be ke swere selepe ka seatleng sa ka, gomme—gomme ke . . . Le a tseba, mme bera wa kgale le diberana tsoko, a ka kgona go ba mohuta wa go befelwa, le a tseba. Gomme a ka kgona go go ngapa, le yena, o be a nyaka. Kafao ke be ke le mohuta wa go mo šetša, le a tseba, ke swere mohlare ka monaganong nako yohle. Gore ke kgone . . .

³⁸ Le kwele ka ga moreri ka go mohlare wa moperesimone, gabotse, mohuta e ka ba ofe wa mohlare o tla dira ge bera e le ka morago ga gago. Kafao ke šeditše mohlare wola, gomme ke maketše bothata e be e le eng ka bera yela ye nnyane ya kgale. O be a no . . . a sa ye go tloga. Gomme mmagwe o ile a tšwelapele a mo hlaeletša, gomme o ile a no tšwelapele a dutše. O be a khunthane, ka mokgwa *wo*. Ke naganne, “Moisa yo monnyane o hweditše eng?” Ke naganne mohlomongwe ke be nka kgona go kitimela ka gare le go swara sethunya sela sa kgale. Ka gopola, “Oo, nka se bolaye mme bera yola wa kgale, ge a ka hlasela ka morago ga ka, gobane e tla tlogela ditšhiololo tše pedi ka dithokgweng. Kafao ke be nka se dire seo.

³⁹ Kafao ke naganne, “Ke tla no šetša mohlare wo, le go bona se moisa yo monnyane a nago le sona.” Gomme bjale o be a khunthane, ka mokgwa *wo*, gomme ke mmone a šutha. Gomme mme wa kgale o be a hlaeletša, le go sepelela morago le pele, mohuta wa go se dudišege. Gomme o be a ntšheditše, le yena. Gomme ge a retolotše magetla a gagwe go lebelela bera ye nngwe, ke tla gata go bapa ka mathoko, ka mokgwa *wola*, go leka go ya go dikologa, go bona se moisa yo monnyane a bego . . . se dirilego a be le kgahlego kudu. Le tseba se a bilego le sona? O bile le pakete ya ka ya kgotlaomone.

⁴⁰ Gomme le a tseba, ke—ke rata dipanekuku. Ke a tseba ke na le badudi mmogo ba bantši ba tatso yeo ya go swana. Kafao, gomme—gomme ke a tseba ga—ga ke dumele go go fafatša. Ke rata ka kgonthe go di kolobetša. Ke rata go e tšhela boima, le a tseba, go bea kgotlaomone ye ntši. Nako ya mafelelo ge ke eja tlase mo ka Ramada, letšatši le lengwe, re bile le difihlolo tše kaonekaone. Gomme ba be ba na le diphaphatha tše botse, ka mokgwa *woo*. Re di bitša diphaphatha, ka Borwa. Eupša le . . .

Ge re na le tšona mosong, botšang moabadijo kgotlaomone feela ye nnyane go fetiša, ge go kgahla kgoro. Yeo, yeo e be e se ya lekanela. Selo sela, ke ile ka swanela, go bea swikiri godimo ga tšona, le a tseba, go fetša.

⁴¹ Eupša, go le bjalo, bera ye nnyane ye ya kgale, moisa yo monnyane o dirišitše borofa bja gagwe, gomme a dira kgamelo ye e bulege. O be a na le tša gagwe. . . Di rata dilo tše bose, le a tseba. Gomme o tsentšhitše borofa bja gagwe bjo bonnyane ka paketeng ye ya kgotlaomone. O be a sa tsebe mokgwa wa go e ja ka diatla tša gagwe, kafao o—o be a nno di phitsika le go latswa, le a tseba. Ka gona o be a phitsika le go latswa, morago ga ge a gorile pakete yohle.

⁴² Ke rile, “Etšwa ka fao.” Ke tšwetšepele ke mo goeletša. Ebile ga se a retologe. Gomme ka morago ga ge a gorile pakete, o retologile go dikologa, a ntebelela. Gomme o be a sa kgone go bula mahlo a gagwe, le a tseba. Go tšwa ntlhoreng ya ditsebe tša gagwe, thwi go theoga mpa ya gagwe ye nnyane, o be a nno tlala ka kgotlaomone.

⁴³ Ke naganne, “Yeo ke nnete. Ga go ne go solwa. Yeo e no ba boka kopano ye botse ya kgale ya pentecostal. Ge o karabeditše seatla sa gago thwi tlase ka go pakete ya kgotlaomone, goba kgamelo ya tadi, go rotoga go fihla dijabaneng tša gago, gomme o no goelesa, o tumiša Modimo, ga ke kgathale se se diregago, ga o se kwe. Le a bona?”

⁴⁴ Eupša, le a tseba, selo sa go tlabo e bile, morago ga ge a e feditše, gomme ka moka ga tšona di eme ntle fale di mo omanya; ge a fihla godimo kua, ka moka ga tšona di bile le kopanelo. Tšohle di mo latswitše. Tlhago e swere dilo tša go tlabo, a ga e dire, ngwanešu? Go latswa gohle. Bjale, bona batho ba ba bego ba sa tsenela kopano ye, ba ka no latswa kgotlaomone ya lena, ka . . . le a bona, morago ga ge e fedile. Go lokile.

⁴⁵ Re a leboga, re leboga sehlopha se sekaone se sa banešu, le sehlopha se sekaone se sa batho. Gomme ba . . . Ke nagana gore se sengwe le se sengwe se tla gabotse. Gomme ga re . . . Ka go felela re . . . Selo se tee re ka se se dumelelego ke tšhelete, ngangego e ka ba efe godimo ga ditšhelete. Ngwanešu o mpoeditše ntle kua, o rile ba bile le yona yohle eupša ditolara tše lekgolo. Ke mo fa tšheke. Ke rile, “E lebale. O a bona? Ke tla e lefa, nnamong.” Kafao gona—gona re . . . Se sengwe le se sengwe se gabotse le go kgahliša. Gomme re nyaka . . .

⁴⁶ Ge e ka ba ofe wa bašomi ba Ramada Inn ye a le fa bošegong bjo, ke nyaka go ba leboga, ka gore ba neetše moago wo go rena. Ke a nagana . . . Gomme ke be ke se . . . Ke a tseba . . . Tsela e nnoši ke tsebilego, ke Ngwanešu Tony o mpoeditše ka yona. Ke a dumela gore ke . . . gore ge yo mongwe a be a le ka toropongkgolo ye, goba a nyaka mothele, ka kgonthe ke be nka kwalakwatša le go ba botša Ramada ke lefelo go ya.

47 Ge batho ba na le kelohloko ye ntši yeo bakeng sa . . . bakeng sa rena, le bodumedi bja rena, le Kriste wa rena, ke nagana re swanetše go ba le sebetse sa go lekanela go bolela se sengwe se sebotse ka bona, le go botša yo mongwe le yo mongwe re kgonago. Yeo ke nnete. A nke Morena a šegofatše lefelo le. Ka mehla re ile ka mafelong a bona kae kapa kae re yago go kgabaganya naga. Ka mehla re bile le mabobo a mabjalo. Gomme Banna ba Kgwebo ba šomiša dihlo tša bona, Phoenix le mogohle re kgonago, go ba le dikopano le dikhonferense. Gomme ke bolela se, bakgomana, ge le le fa, Ramaatlakamoka Modimo a le šegofatše go huma. Gomme mafelelong a tsela, ke a rapela gore Modimo o tla bula mabati a Gagwe, le go le dira le amogelege ka go Mmušo wa Gagwe wo mogolo ka nako yeo.

48 Gomme gona go ne selo se tee gape. Ke na le sehlopha sa dilo le dinoutse tsoko di ngwadilwe mo, le dihlogo tsoko tše ke nyakago go di šomiša mo metsotsong e se mekae. Eupša, selo se sengwe, gore lena batho le mahlatse kudu mo ka Tucson. Bjale, ka mehla ba mpoditše gore Tucson e be e le lefelo la kgauswiuswi le haedese le le bego le le gona, ka baka la gore go fiša kudu. Eupša, ke a le botša, ka kgonthe ke ipshina ka le. Gobaneng, ka legaeng la ka ge go ka fiša bjalo, gobaneng, o—o ka se kgone go ema mo o apere jase, sefehlamoya se roropa. E tla ba . . . O tla no be o etšwa sethitho. Gabotse, ga se nke ka . . . Ke šomile thata gabotse, gomme ga ke ešo ka ba le mphufutšo.

49 Gabotse, ke rata le. O ya morago Bohlabela bakeng sa eng, ka—ka nako ya selemo? Lefelo šele go tla. Le le kaone. Le kaonana kudu go phala serorobja sa rena morago kua, go le bjalo. Kafao, ke rata le. Gomme ke a holofela Morena wa go loka o ntumelela go tla morago, go sepelela ntle mo felotsoko le go dula. Gomme ka kgonthe ke rata lefelo le.

50 Gomme ye nngwe ya dilo tše kgolo, ditiragalo, ye nngwe ya dibopego tše kgolo tša lefelo, nnete, ke batho, se se dirago lefelo. Ke . . . Ebile le ka mabenkeleng a lena, se sengwe le se sengwe, le toropokgolo ya baeti, ke bile le tše dingwe tša tshwarobotse ye kaonekaone, batho ba ba bosebose, ge e sa le ke eba ka Tucson, bao nka nyakago go kopana le bona ka mehla.

51 Gomme ka gona ge ke etla ka gare, ke buletše seyalemoya sa ka, gomme ke hweditše seteše mo seo kgafetšakgafetša se sa gašego selo eupša mmimo wa Bokriste. Sona ke seteše sa KAIR. Gomme ke sa tšwa go ithuta lehono, gore motsemošate wa bona o mo ka Ramada. Le tseba se ke se dirilego; ge ba bangwe ba bašomi ba KAIR ba le mo. Ke rekile seyalemoya feela go no se boloka se buletšwe nako yohle, gore bana ba ka le legae la ka ba kgone go kwa selo sa maleba.

52 Ka gore, bontši bja diteše tšohle o di bulelago, ka mehla ke mohuta tsoko wa se fa wa halala, goba e ka ba eng selo seo se lego, le—le rokenrole, le mehuta yohle ye ya ditšiebadimo ba nago le

tšona lehono. Gomme—gomme ga o kwe selo. Gomme ke nagana gore lena Bakriste, le swanetše go dira se sengwe le se sengwe le kgonago go boloka seteše sela fale. Yeo ke nnete. Gomme o se bulele ka legaeng la gago, moo bana ba gago ba ka kgonago go kwa selo sa maleba.

⁵³ Bjale, le tla kwa mehuta yohle, ka nnete. Ke taba ya kerekeleinamohlakanelwa, le mohuta e ka ba ofe wa go rera, goba e ka ba ofe. O ka no se dumelelane le ba bangwe ba banešu, ka lenaneo la bona. Nna, ge bohle re dutše fase go ja bošegong bjo, gomme bohle re bile le phae, nka no tšea phae ya tšheri, gomme o tšea apola, eupša bohle re ja phae. A ga o? Yeo ke nnete. Kafao, feela, ke banešu. Gomme ba ne tokelo go hlagiša se ba se naganago.

⁵⁴ Gomme kafao nno tšwelangpele le buletše seyalemoya sa lena, gomme le theetšeng mmino wola wo mokaone. Gomme ke—ke nagana ke—ke a leboga. Ke—ke duma ge nka kgonago se se tšeela gae le nna, KAIR, le go se bea ka Louisville felotsoko, seteše boka seo, seo se gašago mmino wa Bokriste nako yohle. Ke rata seo. Morena a šegofatše seteše sela, KAIR.

⁵⁵ Gomme ka gona, go na le seteše se sengwe ntle kua. Ga ke elelwe ma—ma maletere go sona, eupša le sona se na le mmino wo mokaone wo montši wa bodumedi. Gomme ke a le botša; ke a holofela ga ke nyefole monna ka go re ke theetša Ngwanešu Gilmore nako yohle. O setešeng sela nako ye nngwe. Gomme ke no lebala gore seteše ke eng. Eupša gape ba na le . . . KAIF? [Ngwanešu o re “Aowa, KFIF.”—Mor.]. KFIF. Seo ke seteše se sengwe se sekaone. Re a ba thabela, le bona.

⁵⁶ Le a tseba, go no swana le polelo ya kgale, ge re bala ditšhegofatšo tša rena, re lebelela go dikologa, go mohuta wa go makatša go bona ke batho ba bakae ba go loka ba šetšego ka lefaseng, gomme ke dilo tše botse gakaakang re sa nago le tšona. Morena a tumišwe. Ke thakgetše go ba Moamerika. Ke thabile, bjalo ka moromiwa, go tšwa dinageng tše dingwe, le go ya pele, le go tla ka gare gae.

⁵⁷ Oo, go ntira go mpabiša pelo go bona tsela, ka fao re phelago manongonongo, gomme lefase ka moka le bolawa ke tlala. Gomme—gomme go bona mafelo a makaone, kereke ye kgolo ye kaone khoneng ye nngwe le ye nngwe, gomme—gomme batho bale ba go šokiša godimo fale, gomme bontši bja bona ga se nke ebile ba kwa Leina la Jesu Kriste.

⁵⁸ Ke be ke na le bašemane ba bannyane ba baso ba eme kgauswi le dikete, megokgo e keketla go theoga marama a bona, ebile go se na le moroko o tee wa diaparo godimo, ga ba tsebe seatla sa go ja le sa ngele ke sefe, ba no dula mosegare ohle le bošego bjohle, ba dutše fale, go ntheetša ke bolela ka Morena Jesu, le a bona, ga se nke ba Le kwa pele. Ba botše gore—gore go

na le yo mongwe yo a ba ratago. Oo, nna. Seo ke se ba nyakago go se kwa, se sengwe seo . . . yo mongwe a ba ratago.

⁵⁹ Ke mang a sa nyakego go ratwa? Bohle re nyaka seo. Bohle re a se hloka. Gomme ka gona, tsela ya go se hwetša, ke go dira . . . rata yo mongwe gape, ka gona o tla ratega.

⁶⁰ Modimo a le šegofatše bohle. Ke holofela go le bona mosong mo difihlolong, bao ba kgonago. Gomme ke a nagana ba tla be ba rekiša dithekethe ka ofising mosong le bona. Gomme ge o etla bakeng sa difihlolo, gobaneng, ke ne kgonthe re tla hwetša kgotlaomone ye ntši ge re ne dipanekuku. Gomme ka gona . . . Gomme mohlomongwe ba bangwe ga ba nyake yeo ye ntši, le a tseba. Gomme kafao ge ke . . .

⁶¹ Nako ye nngwe, ke be ke rera ka kerekeng ya Missionary Baptist tlase ka Georgia. E be e le . . . Ke rerile godimodimo bošego, gomme ke bile le pitšo ye kgolo ya aletara. Ke . . . Go be go le thari. Gomme ke be ke robotše mathuding a morago, gomme phefo e fokela ka gare, mathudi a kgale a go bewa sekerini. Gomme ke be ke—ke be ke lapile. Ba tsoga, ka iri ya bone, tlase kua. Gomme kafao mokgekolo wa lekhalate o tlile ntle. O nteleditše, makga a mararo goba a mane. Gomme ga ke tsoge ka e lebala. O rile, “Modiša.” Seo se ra “moreri,” tlase kua. “Modiša,” o rile, “hani, gobaneng o sa tsoge?” O rile, “Ke šetše ke apeile diphaphatha tša gago makga a mane.” Šegofatša pelo ya gagwe ya kgale. O be a ka ba masomešupa nako yeo. Ke a thanka o ile Letagong bjale, le go khutša. “Ke apeile diphaphatha tša gago makga a mane, ke šetše, mosong wo.”

⁶² Bjale, yo mongwe le yo mongwe o rata Morena? [Phuthego e re, “Amen.”—Mor.] Ke thabile kudu. A ga la thaba go tseba, feela, le ka kgona go lokologa, le go ikwela le thabile, gomme ga go go lahlwa?

⁶³ Gomme ke nyaka go leboga khwathete ye nnyane ye fa bakeng sa go dula godimo. Ke a tseba ba be ba beakantše mafelo a mangwe. Gomme ba rile . . . Ke tla be ke le theeditše, direktong tša lena. Ke ne tše dingwe tša tšona, le ditheipi, le dilo. Ke nagana le ba bakaone kudu.

⁶⁴ Gomme mosetsana yo monnyane yo mo. Nna, oo, nna! Yena, ke karolo ya makwele. Ka kgonthe o no kgona go opela, le bašemane ba bannyane, le bona. Gomme ke boditše moisa yo monnyane yola, moisa yo monnyane o rwala digalase. Ke kopane le yena bošegong bjo bongwe, gomme ke rile, “Morwa, o ya go dira peisi, le lengwe la matšatši a.” O bile mohuta wa go sega, le go lebelela godimo ga digalase tšela. Ke rile, “O bile mohuta wa go makala ka fao ke e boletšego.” Ke rile, “Gabotse, o kwagala boka senopodile ka gare ga jeke bjale.” Gomme O ntšhitše thago ya gagwe go tšwa go seo. Gomme ke batho ba bakaone. Morena a le šegofatše.

65 Ke nagana ke hweditše mme thwi ge ke boletše seo. Go lokile. Ke bile le mohumagadi yo mongwe bošegong bjo bongwe. Gomme ke a nagana yo ke tate ntle mo felotsoko. Yo mongwe o šupile godimo mo go tate. Ee. Go lokile. Morena a mo šegofatše. Gomme ke a holofela ditsela tša rena di kgabaganya gape felotsoko ka bophelong. Ge e sa dire, re tla hwetša keiti kua mosong wola. Yeo ke nnete. Bjale, pele re . . .

66 Ka morago ga go itlhaģiša renabeng ka tsela ye re dirilego, gomme ke a dumela gore lethabo le ya le Bakriste. Ga se ka ke ka nyama gore ke be ke le Mokriste. Ka mehla ke thabile ke nna Mokriste. Gomme, oo, dipele tša lethabo di lla ka pelong ya ka bjale lebaka la mengwaga ye masometharo tlhano ge e sa le Jesu Kriste a tlile ka pelong ya ka. Ga se ka ke ka kgona go e hlagiša. Ke lethabo la go se bolelege le go tlala letago. Eupša bjale, ge re batamela Lentšu, a re nong go beela lesego la rena le lennyane ka thoko, gomme—gomme a re lebeleleng thwi ka go Lentšu bjale, feela nakwana.

67 Morena Jesu, bjale O a re thuša, ge re bala Lentšu. Gomme a nke Moya wo Mokgethwa wo mogolo wo o rometšwego go ba Morutiši wa rena, o rometšwego go re tsoša, le go re ruta dilo le tsela ya Modimo, a nke A tle bjale le go tšea Lentšu, le go Le gafela go pelo ye nngwe le ye nngwe feela bjalo ka ge re na le tlhoko. Leineng la Jesu, re a rapela. Amene.

68 Bjale, ge le rata go phetla go Lengwalo le ke nyakago go le bala, le hwetšwa ka go Mokgethwa Mateo tema ya 14, gomme re ya go thoma go temana ya 22.

Gomme thwi Jesu o phegeletše barutiwa ba gagwe go tsena ka sekepeng, le go ya pele ga gagwe ka lehlakoreng le lengwe, ge a sa laelane le mašaba.

Gomme ge a rometše mašaba kgole, o ile godimo ka thabeng thoko go rapela: gomme ge mantšiboa a tlile, o be a le kua a nnoši.

Eupša sekepe bjale se be se le bogareng bja lewatle, se akgaaqwa ke maphoto: gobane diphefo di be di le kgahlanong.

Gomme ka go tišo ya bone ya bošego Jesu o ile go bona, a sepela godimo ga meetse. (Goba ke kgopela tshwarelo.) . . . a sepela godimo ga lewatle.

Gomme ge barutiwa ba mmone a sepela godimo ga lewatle, ba ile ba tšhoga, ba re, Ke moya; gomme ba goeditše bakeng sa poifo. Eupša Jesu thwi . . .

Eupša Jesu o akgofile a bolela le bona, a re, Ebang le tutuetšo ye botse; ke Nna; se boifeng.

69 Bjale, ge ke be ke eya go bitša se sehlogo . . . Gomme ke leka go boloka melaetša ye mennyanane bonolo le boka terama, gore

baisa ba bannyane ba kgone go ipshina ka yona. Gomme ke tla bitša se sehlogo, se: *Se Boifeng*.

⁷⁰ Mantšu a mararo, ke a šomiša makga a mantši: *O Dumela Se?* gomme, *Etlang, Bonang Monna*. Gomme ke dihlogo tše nnyane tša lentšu a mararo.

⁷¹ Gomme bjale ke nyaka go šomiša ao bakeng sa sehlogo: *Se Boifeng*. Gomme ka gona bakeng sa thuto, ke ya go šomiša ye, “Kopano ya bopaki godimo ga lewatle.”

⁷² E swanetše go be e bile mohuta wa thari morago ga sekgalela. Letšatši le be le le kgauswi le go dikela; seetša se be se dikela ka gare; gomme bohle ba lapile le go kgathala. Go bile letšatši le legolo go sehlopha. Yo mogolo, wa digobagoba, motheadihlapi wa hlogo ya lefatla o be a kgoromeletša sekepe ntle ka lewatleng la Galelia. Gomme ge mafelelong a phaphamaditše ntlha, o nametše ka gare gomme a dula fase lehlakoreng la ngwanabo, Andrea. Se be se bitšwa, ka Beibeleng, sekepe.

⁷³ Bjale, sekepe ga se se re se bitšago sekepe lehono. Dikepe nako yeo di be di sepedišwa gagolo ka mahuduo. Gomme ba bile le . . . Merumo e be e le godimo, gomme ka baka la gore maphotho a magolo a tlile godimo ga lewatle fao gantši, gomme di be di swanetše go ba le mahlakore a godimo. Gomme ka mehla banna ba babedi go lehuduo le lengwe le le lengwe, ba dutše ka lehlakoreng le tee la sekepe, gomme yo motee go le lengwe, gomme dinako tše dingwe, banna ba tshela goba ba seswai ba gogetše sekepe ka gare. Ba be ba le batheadihlapi ba kgwebo go bapa le Galelia. Gomme ba na le yona lehono. Ga se ya fetoga nthatana e tee ge e sa le go tloga letšatši lela. E sa le ya go swana, hlapi ka tsela ya go swana, mohuta wa go swana wa malokwa, le se sengwe le se sengwe.

⁷⁴ Bjale, gomme ge ba retolla sekepe go dikologa le go thoma, lebopo le be le tletše batho. Gomme ba be ba dira go hudua go se go kae ka mahuduo a bona, gomme ba šišinyetša morago go ba šadiša gabotse. Gomme yo mongwe le yo mongwe a re, “Le boweng gomme le re bone gape. Ebang le nnete go tliša Mong wa lena ge le etla morago go re bona gape.” Ba be ba le tseleng go kgabaganya lewatle, gomme e be e le monabo wo monnyane kudu. Gomme ba be ba swanela go goga thata go fihla kua mošola bošegong bjoo.

⁷⁵ Kafao ke kgona go eleletša ka tsela e tee ka fao ba ikwetšego. E bile letšatši le legolo. Ba be ba bone diponagalo tše kgolo di dirwa. Ba bantši ba be ba phološitšwe le go dumela go Morena Jesu. Gomme ba bile le letšatši le lethata kudu, ba tloša batho go tloga go Mong wa bona, gore A kgone go ba direla, go tliša Bophelo go balahlegi. Gomme ba be ba lapile le go kgathala.

⁷⁶ Eupša, efela, go tlogela bagwera ba bona, go ne se sengwe ka ga go tlogela bagwera, ge o swanetše go re šalang gabotse. Seo ke—seo ke selo sa go befa. Gomme ke ikwela ka tsela yeo,

ke kgona go kwa bontši bjoo bja morwalo ba bilego le wona, gobane ke tseba ka fao go lego ka nna. E ka ba ka nako ye o tlwaelanago le sehlopha sa batho, feela ba thoma go tseba gore ga o motho tsoko wa godimodimo, o ngwanešu. Gomme—gomme ba thoma go. . . Se sengwe le se sengwe se thoma go kwagala gabotse. Gomme nako yeo o swanetše go re, “Šalang gabotse. Ke—ke tla le bona gape nako ye nngwe. Ke holofela go dira.” Seo ke selo se sethata go se dira.

⁷⁷ Ke lebeletše nako moo re tla kopanago moo re ka se tsogego ra re šalang gabotse, mošola ka go Lehlakore le lengwe. Gomme ba bangwe ba banešu ba ka ba bohlokwa ba kgale mo le badirišani ba go tsoma, ke tla—ke tla kopana le lena tlase go bapa le yona mehlala ye megolo ya diphoofolo morago kua felotsoko, moo di sa tsogego tša fela. Ke tla be ke le lebeletše tlase go bapa le tsela kua, ge nka se bowe morago go le bona gape pele re tšewa.

⁷⁸ Gomme ka fao ba swanetšego go be ba ile ba šišinya. Gomme ba be ba goga menabonyana e se makae, gomme morago ba šadiša gape. Gomme mafelelong, ge lewatle le homotše, feela ge letšatši le sobela, sekepe se sennyane se kgorometša tsela ya sona go kgabaganya, ka maatla a mahuduo. Ba be ba tšea mehuduo e se mekae, gomme morago ba šišinya diatla tša bona, gomme ba šadiša gabotse. Gomme ka gona—ka gona yo mongwe gape o tla lemoga yo mongwe gape, o šišinya šalang gabotse go bona. Gomme yeo e swanetše go ba e bile tsela ye sekepe se bego se sepelela ntle ka meetseng. Gomme mafelelong, šalang gabotse ya mafelelo e boletšwe, bokgole bjo ba kgonago go kwa.

⁷⁹ Gomme go swanetše go ba go bile setu se setelele. Ga go yo a boletšego selo, gobane ba ile ba swanela go kgoromeletša sekepe se sennyane pele. Gomme ba mohuta wa go ba le boka morethetho, ge ba hudua dikepe tše bohle mmogo, gobane o tla se tšokatšokiša ge o se wa dira. Gomme kafao ba be ba hudua ka morethetho, gomme ba ka no ba ba lapile gabotse.

⁸⁰ E swanetše go ba e bile Johane yo moswa yo a bilego mohuta wa go ineela pele, gomme a nyaka go swara phefo ya gagwe, bjalo ka ge re e bitša. O be a le yo moswa le yo boleta nako yeo. Gomme o be a se a tia boka baththeadihlapi bale ba kgale ba digobagoba ba be ba le mawatleng, le madimong, ba be ba goga dikepe tšela. Gomme o swanetše go be a lapile pele. Kafao o swanetše go be a rile, “Fše, baena, a re khutšeng feela nakwana.” Gomme ge a eme, gomme a phaela moriri wa gagwe wo moso morago go tšwa mahlong a gagwe, gomme sekepe se sennyane se be se tlhehla go kgabola meetse, se eya mmogo, Ke kgona go mo kwa a thoma le go re, “Ke ikwela boka ke tla rata go paka.”

⁸¹ Ke—ke rata seo. Ke rata kopano ye botse ya bopaki ge o na le se sengwe go paka ka sona. Bjale, ge o se na le selo, o no emelela gomme o bolele selo sa go swana o se boletšego bošego pele le ngwaga wa go feta, seo se a pshira. Eupša ge o na le bopaki bjo

boswa ka kgonthe bjo o sa kgonego go bo swara morago botelele bjo bo itšego, Morena o go diretše se sengwe, gomme o no swanela go se hlagiša, ke rata bjoo.

⁸² Re be re tlwaetše go bo bitša, gae, bopaki bja thungthung. Bjale, ke ba bakae ba tsebago se thungthung e lego sona? Ke nyaka go le botša se e se dirago. O tšea thoro ye nnyane ye serolwana, gomme wa e bea godimo ga setofo sa go fiša, gomme e tabogela godimodimo ka moyeng e le ye serolwana, e fetoga ye tšhweu, e tla morago e le bogolo bja yona gabedi le go taga seripa, boima seripa, a ke re, go feta ka fao e bego e le. Ke bopaki. Le a bona? Seo ke se bopaki bo se dirago. Serolwana gannyane, o boifa go dira e ka ba eng, gomme morago, selo sa pele o a tseba, maatla le mollo wa Moya wo Mokgethwa a a go itia gomme a go fetola go ba yo mošweu, go tšwa go boserolwana. Gomme o ikwela bohwefo kudu, o no, le a bona, ga o sa kgwapareditšwe lefaseng gape. Kafao ke rata bopaki bja thungthung.

⁸³ E swanetše go ba e bile Johane yo monnyane yo a bego a nyaka go fa bjo botee. O phagametše godimo ka sekepeng gomme a re, “Gabotse, ke nyaka go paka pele, le go bolela se ge re sa khutšitše. Ke kgotsofetše ka go phethagala le tiišetšo, baena ba ka. Lehono go e rumile ka monaganong wa ka gore ga re latele mohuta tsoko wa lehlanya, bjalo ka ge lefase ka moka le nyaka go re dira re dumele re a dira. Re latela Yena Yo Lengwalo le boletšego ka yena. E e rarolotše lehono. Ke nyaka go fa bopaki bja ka.”

⁸⁴ “Ke tswetšwe le go godišetšwa mošola hleng le Jorodane. Ke kgona go elelwa, mengwaga ye mentši ya go feta, ge ke be ke dula mašing a Jorodane, feela kgauswi le sebo moo Israele e tšhetšego ka mohlabani yo maatla, Joshua. O tšere areka ya kgwerano, gomme Moya wo Mokgethwa o butše lewatle, jo. . . goba Jorodane, gomme ba tšhetše go kgabaganya, batho bohle ba gaborena, godimo ga naga ya go oma, ge re etla go naga ye.

⁸⁵ “Ke a elelwa, nakong ya seruthwana, ka fao ke bego ke tlwaetše go ya ntle le go kga matšoba a mannyane go bapa le le—le leši la Jorodane. Gomme go bapa, morago ga sekgalela, ke kgona go kwa mme wa ka a mpitša, efela, le go re, ‘Bjale, etla pele ka gare, Johane. Gomme o—o swanetše go ya malaong. O swanetše go tšea kgoswane ya gago. Bašemane ba bannyane ba swanetše go tšea kgoswane ya bona ye nnyane morago ga sekgalela.’ Gomme o be a tla dula ntle godimo ga mathudi a ka pele, le go nkobakobetša ka matsogong a gagwe. Gomme ke kgona go bona sefahlego sa gagwe se sebotse, efela, ge a gagwe a magolo, a mabotse, mahlo a Mojuda a matsothwa a lebeletše fase go nna. Gomme o be a tla mpošša dikanegelo tša Beibele.”

⁸⁶ Gomme, le a tseba, go befile kudu gore bomme ba rena ga ba kgone go tšwela ka ntle ga dithabene botelele go lekanela, lehono, le go tšwa mafelong ba bego ba se ba swanela go ba, le

go kobakobetša bana ba bona gape le go ba botša dikanegelo tše di itšego tša Beibele. Bjo ke bothata ka setšhaba sa rena lehono. Bona, e ka ba mang, go nyakile, segotlane e ka ba sefe mo mokgotheng se ka go botša kudu ka ga Davey Crockett go feta ba ka kgona ka Jesu Kriste. Yeo ke nnete. Gomme ka fao lefase la kgwebo le thopago seo! Gomme, nna! “Godiša ngwana ka tsela ye a swanetšego go ya.” Ke therešo.

⁸⁷ Bjale, “Gomme yena,” o rile, “o be a fela a mpotša dikanegelo. Gomme ye nngwe ya dikanegelo kgolo ke di ratilego bokaonekaone, e bile. . . Ntle le, mošemane yo monnyane yoo mo—mo moprofeta yo mogolo Eliya a mo tsoitšego go tšwa bahung, ke be ke rata kanegelo yela, le go makala ke mohuta ofe wa monna Eliya a swanetšego go be a be a le. Gomme o be a tla re go nna, ‘O a tseba ke eng, Johane? Eliya yo mogolo yola wa go swana le Elisa, bobedi, ba sepetše thwi go theoga mokgotha wola kua, letsogo ka letsogong, ba eya tlase nokeng. E no nagana, e sego kgale kudu ba dirile seo. Bona baprofeta ba babedi ba bagolo ba sepeletše tlase nokeng, gomme noka ya bulega. Ba fetile thwi kgauswi le Jeriko.’”

⁸⁸ Bjale, “Eupša kanegelo kgolo yeo ka mehla e nkgomaretše, yeo a mpoditšego, ke nyaka a mpotše letšatši le lengwe le le lengwe, ya ka fao Modimo a ntšhitšego batho ba gaborena ditlalomong ka Egepeta moo ba bego ba le makgoba, le go ba tliša ka lešokeng, le go ba boloka ntle kua mengwaga ye masomenne, le go ba fepa go tšwa Legodimong. Gobaneng, o mpoditše seo, bošego bjo bongwe le bjo bongwe, gore ba be ba tla tloga mosong morago ga ge Israele e tsene ka malaong gomme e be e robetše, boka a be a lokišetša go mpea malaong. Le a tseba ke eng? O rile Jehofa Modimo o tllile fase, gomme mosong wa go latela go be go le borotho bo letše gohlegohle lebaleng. Bjo bo be bo tla ba hlokomela go kgabola letšatši.

⁸⁹ “Gomme ke be ke fela ke re go Mama, ‘Mama, a Modimo o ne sehlopha sa go ikgetha sa Barongwa godimo kua, seo se šomago nakong ya bošego; gomme o bile le sehlopha se segolo sa diobene gohle go kgabola Magodimo, gomme O be a tla dira, “Bjale, itlhaganeleng bjale, bana ba ba swerwe ke tlala; gomme le pake borotho bjohle bjo?” Ka gona sehlopha se sengwe sa Barongwa sa bo tšeela fase gomme sa bo bea gohle godimo ga lebala?”

⁹⁰ “O be a tla ntebelela, le go re, ‘Aowa, Johane, hani. O no ba mošemane yo monnyane. Ga o kwešiše. Jehofa wa rena yo mogolo ke Mohlodi. Ga se A swanela go ba le Barongwa ba go ikgetha go paka borotho. Ga A hloke diobene e ka ba dife ka Legodimong. O no bolela Lentšu, gomme borotho bo wela gohle lebaleng. Yena ke Mohlodi.’ Gomme ga se ke kgone go kwešiša ka fao seo se bilego. Eupša kanegelo ka mehla e nkgomaretše, ka mokgwa wo mongwe.

⁹¹ “Gomme ke šeditše Morena wa rena ka dilo tše dintši, tša go

fodiša balwetši, le go ya pele. Eupša, lehono, baena, ge ke Mmone a topa dipisikiti tše tlhano tšela le tšona dihlapu tše pedi, go tšwa go mošemane yo monnyane yola e bego e le matena, yo a bego a le mathinyane go tšwa sekolong. Ge ke Mmone a tšea tšeo, gomme a re, 'Dirang gore, batho ba dula fase ka masometlhano.' Ka pela ge ke bile le masometlhano a ka ba dutše fase, ke nametše godimo ga leswika lela le go bogela, go bona se A bego a tla se dira. Gomme ge A tšere seripa sela, llofo ya borotho, gomme a ngwathile seripa sa yona, gomme a se neela ntle ka porotong, gomme ka nako ye A bušeditšego seatla sa Gagwe morago gape, go be go le seripa se sengwe sa llofo ya go ngwathwa . . . borotho bja go pakwa.

92 "Bjale, go na le tswalano tsoko gare ga Gagwe le Jehofa, gobane O be a hlola borotho bjola le hlapi yela, thwi fale pele ga ka. Ga go yo mongwe gape a ka kgonago go dira seo eupša Jehofa. Gomme yoo ke Modimo wa go swana yoo mme wa ka a mpoditšego ka yena, ka lešokeng morago kua, Yo a tlišitšego borotho fase, go tšwa tlholong, go tšwa Legodimong. Rena, ka mahlo a rena beng, re Mmone lehono a hlola borotho thwi pele ga rena."

93 A le kile la nagana ke mohuta ofe wa athomo A swanetšego go be a e tlogetše? Folouru e tšwa kae? E sego feela folouru, eupša e be e šetše e pakilwe ka go llofo le go lokela go lewa. O be a na le hlapi. O godišitše hlapi lefelong la pele. Eupša bjale O ngwathile hlapi, seripa, ka bobedi, gomme hlapi ye nngwe e kgonne go hloga godimo kua, eupša hlapi ye e tlogo godimo kua e šetše e apeilwe le go pakiwa, gomme e a gola, le yona. O dirile eng? Oo! Yena ke Modimo. O no e bolela, seo ke sohle A swanetšego go se dira. Yena ke . . . Ke . . .

94 Bjale, mošemane yo monnyane, matena a mannyane a le a bilego le wona, a be a se bontši kudu ka diatleng tša gagwe, eupša ge a dumeletše se a bilego le sona se ile ka diatleng tša Jesu, se fepile dikete. Gomme mohlomongwe tumelo ye nnyane ye . . . O re, "Gabotse, ke duma nkabe ke na le tumelo ye kgolo." Eupša tumelo ye nnyane ye o nago le yona . . . O na le tumelo go lekanela go tla kerekeng. Gomme ka gona, ge o na le tumelo ye ntši yeo, gobaneng o sa no e fa godimo ka diatleng tša Jesu, gomme e tla fepa dikete. Ge o . . . Ga go bontši ka diatleng tša gago. Eupša gatee ka diatleng tša Gagwe, gona e tla dira mehlolo ge o dumelela tumelo yela go tsena ka diatleng tša Gagwe.

95 Hlokomelang. Gomme Johane o be a thantshetšwe gohle. Ke kwa Andrea a re, "Ema motsotso, morwa! O se ke wa šišinya sekepe sela ka mokgwa wola. Tšea nako ya gago. O se thantshelwe kudu ka se, o a tseba. Morago ga tšohle, re ntle fa ka lewatleng le."

96 "Gabotse, go no dira pelo ya ka e thantshelwe kudu," o rile, "go bona, le go tseba gore—gore Modimo o ikutlotšwe Yenamong

go rena fa, Monna yo re ka kgonago go mo kgwatha. Yena ke—Yena ke. . .”

⁹⁷ Ga go makatše, moprofeta o rile O tla ba Imanuele, gore Modimo o tla emelwa fa ka go Yena. Gomme re Mmona a dira mediro ya go swana yeo Tate a e dirilego. Ga go makatše O be a kgona go botša Bafarisei bale, ‘Ge Ke. . . Ke mang a kago go Nkahlola ka sebe? Ke mang a ka Mpeago molato? Ge se sengwe le se sengwe Beibele e boletšego gore Ke tla se dira, ge Ke se ka se dira!’”

⁹⁸ Le a tseba, sebe ke gosedumele, le a tseba. A le be le tseba maaka ga se sebe? Go dira bootswa, seo ga se sebe. Go nwa wisiki, go kgoga disekerete, go rogana, go šomiša Leina la Morena, seo ga se, seo ga se sebe. Tšeo ke ditholana tša gosedumele. O dira seo gobane ga o modumedi. Go ne sebe se tee feela.

⁹⁹ Ke boletše seo bošegong bjo bongwe ka kerekeng ya Methodist. Gomme kgaetšedi wa go tšofala a eme fale, le a tseba, ka kholoro ya gagwe godimo, o rile, “Mor. Branham, ke a rapela mpotše, sebe ke eng?”

Ke rile, “Gosedumele.” Yeo ke nnete.

¹⁰⁰ O dira seo gobane o mosedumele. Ge o dira seo, o sa no ba mosedumele. Yeo ke nnete. Go ne dilo tše pedi feela: e ba gore o modumedi, goba ga o modumedi. Kafao gona Beibele e rile, “Yo a sa dumelego o šetše a ahlotšwe.” Le a bona? Kafao sebe ke selo se nnoši, gore ke ditholana tša gosedumele.

¹⁰¹ Gomme Jesu o rile, “Ke mang a ka Mpeago molato wa gosedumele? Gomme ge Ke sa dire mediro ya Tate wa Ka, gona le se Ntumele. Eupša ge Ke dira mediro, gomme efela le ka se kgone go Ntumela, dumelang mediro ye Ke e dirago.” Kafao, le a bona, šo O be a dira selo sa go swana seo Modimo a se dirilego.

¹⁰² Bjale ke nyaka go le botšiša, baena. Ge Bophelo bja Jesu Kriste bo le ka Kerekeng, gona ka kgonthe Kereke e swanetše go dira selo sa go swana A se dirilego, gobane Bophelo bja go swana bo ka go Yona.

¹⁰³ Ge mo go eme mohlare wa moperekisi, gomme ke tšea bophelo bjohle bja moperekisi go tšwa go wona, gomme ka bea bophelo bja apola ka go wona, ke mohuta mang wa kenywa o tla e enywago? Diapola. Woo ke mohuta wa bophelo bjo bo lego ka go wona.

¹⁰⁴ Gabotse, gona, ge Bophelo bjo bo bego bo le ka go Kriste bo le ka go rena, Bo tla enywa dikenywa tše A di entšwego. Bo swanetše.

¹⁰⁵ Gomme a—a tlhakahlakano ye batho ba tsenego ka go yona, lehono, gore, go nagana gore, gore Bokriste ke se sengwe sa dilo tše boletaleta. “Tšohle ba di dirago ke go bea leina la bona godimo ga puku, le go ba le yo mongwe go ba fafatša, goba se sengwe gape, le go fa modiredi seatla se setona sa kopanelo.

Gomme seo ke sohle se lego go yona. Eya pele ntle.” Seo ga se Bokriste.

¹⁰⁶ Bokriste ke go ikganamong. “Tšea sefapano sa gago tšatši ka tšatši. Mo latele.” Ehwa, go dilo tša lefase. Ge go lahlwa gohle go ile, “Kagona bjale ga go sa na go lahlwa go bona bao ba lego ka go Kriste Jesu.” O tsena bjang ka go Yena? Ka go tšoenana? Aowa. Go šišinya diatla? Aowa. Ka kopano? Ka thuto? “Ka Moya o tee bohle re kolobeletšwa ka Mmeleng o tee.” Ka kolobetšo ya Moya wo Mokgethwa re ka go Kriste. “Gomme ga go na go lahlwa go bona bao ba lego ka go Kriste Jesu, bao ba sa sepelelo ka nama, eupša ka morago ga Moya.” Amene. Oo, seo, seo se tla dira e ka ba mang go goelela. Amene. Go ba ka fale, go le bjalo, yeo ke karolo ye botse. Go lokile.

¹⁰⁷ Bjale re hwetša fa, gore, ka go moisa wa go latela go phagama go paka, e swanetše go ba e bile Petro. Ke kgona go mo kwa a re, “A nka kgona go fa bopaki bja ka go latela?”

¹⁰⁸ Le a tseba, ge o na le se sengwe go paka ka sona, o no nyaka go hwetša tumelelo, gobane ka kgontho go na le go ya. Gomme kopano ye ya bopaki e be e eya. Sekepe sa kgale se no kgehlemana, gomme bona banešu ba no tibatiba maoto a bona le go ba le nako ye kgolo ntle kua. Go swana le go ba ntle kua! A o be o ka se rate go ba ntle kua le go theetša bopaki bjola? Johane yo monnyane o ile a swanela go dula fase. O be a boletše tšohle a bego a ka kgona ka nako yeo.

¹⁰⁹ Simone o phagametše godimo. O rile, “Le a tseba, ge Andrea a thoma go ya tlase kua go monna yola, yoo naga e nagannego o be a le mohuta tsoko wa monna wa lebelele, Johane yola, kereke e naganne o be a le monna yo a sepetšego go tloga mafelelong a go teba. Morago ga tšohle, papagwe e be e le moprista. Gomme o . . . Le a tseba, ke setlwaedi magareng ga batho ba rena, go morwa go latela e ka ba eng tate a e dirilego. Eupša, le a tseba, mošomo wa gagwe e be e le wo mogolo kudu. Sebakeng sa go ya tlase kua ka go sekolo sohle sela se segolo, le go kitelwa ka seo; thomo ya gagwe—ya gagwe e be e le ye kgolo kudu. Modimo o mo tšeeše ntle ka lešokeng, gomme ka mengwaga ye senyane bogolo.

¹¹⁰ “Gomme o ipontšhitše yenamong gape mo mengwageng ye masometharo bogolo, gobane thomo ya gagwe e be e le go tsebiša Mesia. Gomme Mesia o be a eya go ba le leswao, gomme o be a swanetše go tseba se leswao lela le bego le le sona. Ge a ka be a fihlile tlase kua gomme a bile le ye nngwe ya tlhabelo ye ya kerekeleina ka go yena, gobaneng, yo mongwe, pišopo tsoko yo mogolo a ka be a rile, goba moprista yo mogolo bogolo a ka be a rile, ‘Bjale, lebelela fa, Johane, re a tseba o swanetše go—o swanetše go tsebiša Mesia, bjalo ka ge go boletšwe ke—ke Morongwa. Gomme o swanetše go tsebiša. A ga o nagane gore Ngwanešu *Mokete* mo o no swanela the—the thekethe tlwa?’ A ka no ba a ineetše go yona. Eupša, le a bona, o ikarogantše

yenamong go tloga go se sengwe le se sengwe, gore a kgone go no theetša le go bona se Modimo a se boletšego ka yona.”

111 Gomme ke nagana yeo ke thuto ye botse go rena bošegong bjo. Ge re ka ikaroganya renabeng go tloga go dithutotaelo le dithutotumelo tšohle tše tša madirwakemotho, le dilo, gomme ra lebelela ka Beibeleng le go bona se Modimo a se boletšego ka yona. O swanetše go tseba se se lokilego. Ke Lentšu la Gagwe, Puku ya Gagwe. Ke ka baka leo ke ratago Ebangedi ya go tlala, e sego seripa sa yona; Yona yohle, Ebangedi ya go tlala.

112 Bjale, gomme ka gona—ka gona o rile, “Selo sa pele, le a tseba, mo go tla Andrea a kitimela ka gare, le go bolela gore moreri yo o rile o bone leswao la Mesia godimo ga Monna. E be e le se—se Seetša, go swana le leeba se etla fase, gomme—gomme moreri o se bone. Gomme go bile ba bantši fale, gomme ga go yo mongwe gape a se bonego eupša moreri. Kafao ga se ke kgone le go yela seo. Ke kwa mehuta yohle ya dilo, kafao ke nno lebala ka yona, le a tseba. Gomme bošego bjo bongwe o tlike go nna, o rile, ‘O swanetše go no ya tlase le go Mo theetša gatee. O ya go ba tlase mo lebopong mosong wo o latelago, gomme o swanetše go ya tlase.’

113 “Gabotse, ke naganne, ‘Andrea wa kgale wa go šokiša. Yena le nna re gogile sekepe se nako ye telele.’

114 “Gomme ke elelwa letšatši le lengwe ke bile le polelo le papa wa ka. Gomme o be a le wa go loka, Mofarisei wa kgale. O nno phela ka kerekeng yela; pilara ka go yona. Gomme moriri wa gagwe wo mopududu! Bošego bjo bongwe morago ga go thea dihlapu. . .

115 “Re be re diila. Re be re swanetše go no phela go se lekanele ka mo re bego re kgona. Gomme makga a mantši, ge mme le papa ba be ba phela, o be a fela a re kgobela bohle go dikologa mosong, pele re eya ntle go bea malokwa a rena ka meetseng. Re kolota dikoloto, gomme re be re swanetše go ba le hlapi tsoko. Gomme re be re tla rapela Jehofa, go—go tlatša malokwa a rena letšatši leo. Gomme ka fao papa a bego a tla hlalala ge re be re tla tšea go swara hlapi go gogolo gagolo; le go ya lešing, le go tšwela ntle lešing, le go dula fase le—le go leboga Modimo bakeng sa go re fa hlapi bakeng sa letšatši leo. Ka fao re ka kgonago go ya go lefa dikoloto tša rena bjale, le go ba le se sengwe go ja bakeng sa bošego, le go leta mosong wa go latela!

116 “Gomme bošego bjo bongwe, ka morago ga ge re feditše go leboga Morena, ke elelwa papa a dutše fase ka thoko ga morumo wa sekepe. Gomme o mpileditše godimo fale, gomme o rile, ‘Simone, o a tseba, ke hlologetše, bophelo bjohle bja ka, go phela go bona letšatši le ke tla bonago Mesia. Gomme re Mo tshepišitšwe, lebaka la mengwaga ye mentši. Batho bohle ba rena ba Mo lebeletše. Moshe o re boditše O be a etla. Baprofeta bohle ba boletše go Yena. Eupša, Simone, morwa, ga se re be le

moprofeta magareng ga rena lebaka la makgolo a mengwaga. Gomme ge kereke e fapogetše ka go sa go tonya, seemo se sefomale, eupša ke a dumela go batamela nako. Ge o bona moriri wa ka wo mopududu . . . ga ke nagane ke tla phela go e bona. Ke tšofetše bjale.’

117 “Eupša, Simone, pele Mesia a etla, Sathane o tla romela dilo tše ntši tša maaka, pele, gomme go tla ba bomesia ba maaka ba ba tlogo. Eupša ke nyaka ka mehla o elelwe, Simone, o se tsoge wa tlogela Lengwalo le. Batho ba rena ba a botšwa ka Beibeleng ye, gore, “Lentšu la Morena le tla go moprofeta, moprofeta a nnoši.” Gomme ka gona, sa pele, moprofeta yo o swanetše go hlatselwa ke Modimo. O swanetše go bolela Lentšu, gomme Lentšu le swanetše go tla go phethega, nako ka morago ga nako.”

118 Ba a tswalwa. Ba no se be le yo mongwe a beago diatla godimo ga bona le go ba dira moprofeta. Ba a tswalwa. Go ne mpho ya seprofeto e ka tlogo, eupša moprofeta o tswalwa moprofeta. Jeremia o bile. Gobaneng, Modimo o rile, “Pele ebile o ka bopega ka popelong ya mmago, Ke go beile moprofeta godimo ga ditšhaba.” Johane Mokolobetši, mengwaga ye makgološupa le lesomepedi pele a tswalwa, Jesaya o rile, “Ke segalontšu sa yo a golelago ka lešokeng.” Jesu Kriste o be a le Morwa wa Modimo, pele ga motheo wa lefase. O be a le Peu ya mosadi ye e bego e swanetše go tlapiriganya hlogo ya sephente. Nnete.

119 Modimo ke yena. Modimo o bea dilo tše. “Modimo o beile ka Kerekeng baapostola, baprofeta, barutiši, badiša, baebangedi.” Dilo tšohle tše, Modimo o di beile ka Kerekeng. Ka gona go ne dimpho tše senyane tša go fapana tše di šomago ka Kerekeng yela. Eupša tše ke diofisi tše di yago ka Kerekeng.

120 “Gomme le a tseba, o mpoditše, o rile, ‘Morwa, re latetše Moshe le molao wa gagwe. Bjale, Moshe o re boditše gore Mesia yo, ge A etla, o tla ba moprofeta.’

121 “Kafao ke nno nagana ke tla ya tlase le go bona Moisa yo moswa yo o be a le mang, a huduago maikutlo ohle a tlase fale.” Gomme o rile, “Batho ba fodišwa ke Yena, kafao ke naganne ke tla ya tlase. Gomme letšatši le lengwe ge re dirile ma—ma maloka ohle a hlatswitšwe le go bewa ntle lešing, O tlile tlase go rera. Gomme ke ikhweleditše lefatša, le go dula fase godimo ga seripa sa legong la legogodi, godimo ga leši. Gomme ge A thoma go bolela, ke—ke tsebile gore go be go le se sengwe sa go fapana ka Monna yo, gobane O boletše boka Monna yo a tsebilego se A bego a bolela ka sona.

122 “Gomme ge ke fihla godimo kgauswi le Yena, O ntebeletše thwi ka sefahlegong, gomme O rile, ‘Leina la gago ke Simone, gomme o morwa wa Jona.’” O rile, “Seo se tšea . . . Seo se be se lekanetše go nna. E sego feela gore O netefaditše go ba Moprofeta, O ntsebile pele A be a ka mpona. O ntsebile, gomme gape O tsebile tate yola wa go tšofala wa bomodimo wa ka, yo a

mpoditšego gore leo e be e tla ba leswao la Mesia. Seo se e rumile go nna.” Oo, nna! Ka fao a bego a thantshetšwe gohle, le yena!

123 Gomme e swanetše go ba e bile Filipi a tabogetše godimo, e ka ba ka nako yeo, o rile, “A nke ke pake. Ema motsotso. A nke ke, a nke ke bolele se sengwe.” O rile, “Bjale, Ngwanešu Nathaniele, o se ke wa galoga sefahlego.” O rile, “Ke be ke eme fale ka nako yeo, baena, ge bohle le elelwa. Gomme ke bone seo se dirwa. Gomme ke tsebile seo e be e le se e bego e le—e bego e le leswao la Mesia. Gomme le a tseba, e be e se kgale kudu ge e sa le Filipi le nna, fao, re be re ithuta seo ka Lengwalong. Kafao ke kitimile go dikologa thaba, godimo fale e ka ba dimaele tše lesometlhano, gomme ke boditše, ke hweditše Filipi ka tlase ga mohlare, a rapela. Gomme ke rile, ‘Filipi, etla o bone Yo re mo hweditšego, Mesia, gomme Yena yoo Moshe a boletšego ka yena; gomme Jesu wa Nasaretha, Morwa wa Josefa.’ Gomme, Nathaniele, o elelwa se o se boletšego?”

“Ya, ke a elelwa. Ka kgonthe ke a dira.”

124 “O rile, ‘A selo e ka ba sefe se sebotse se ka tšwago Nasaretha bjale?’ Gomme ke rile, ‘Etle, o bone.’ Gomme ge re ile go dikologa, o elelwa re bolela? Gomme ke go boditše ka Yena a botša Simone seo, le go go botša gore A ka no go botša o be o le mang. Gomme o sepeletše godimo kua, wa re, ‘Bjale, ke tla swanela go bona seo, go e dumela.’ Gomme elelwa ka fao o sepeletšego godimo, ka diatla tša gago ka morago ga gago? Gomme ka pela ge o tsena ka Bogoneng bja Gagwe, o tseba se se diregilego?”

“Ka kgonthe ke a dira.”

“O rile, ‘Bonang MoIsraele, yo ka go yena go sego bomenetša.’”

125 “Gomme ke elelwa ka fao seo se go phohlišitšego. Gomme o rile, ‘Rabi, ke neng O kilego wa ntseba? Gomme ke nna yo. Ke sa tšo tlišwa kopanong ye. Gomme O ntsebile bjang? Wena ga se wa ke wa mpona, ka bophelong bja Gago. O be o ka tsoge wa ntseba bjang?’ O rile, ‘Gobaneng, pele Filipi a go bitša, ge o be o le ka tlase ga mohlare, Ke go bone.’ Oo, ke elelwa se o se boletšego. O kitimetše godimo go Yena gomme wa re, ‘Rabi, Wena o Morwa wa Modimo. Wena o Kgoši ya Israele.’”

126 E swanetše go ba e bile Andrea a rilego, “Bjale ke nako ya ka go paka. A le elelwa nako yela ge re—re naganne re be re eya tlase Jeriko? Gomme re a tseba, tlase ka Jeriko, ka fao mokgalabje yola wa sefofu a tlilego ntle kua letšatši lela. Gomme o be. . . Ebile ga se re kgone go mo kwa a goelela. O be a goeletša, a eya pele. Gomme—gomme tumelo ya gagwe e emišitše Morena wa rena, gomme o hweditše pono ya gagwe.

127 “Gomme le elelwa godimo ka Samaria, ge re eme godimo kua, go ya tlase le go hwetša dijo tsoko? Gomme—gomme ge re sa ile. . . Re Mo nyakile go ya tlase le rena le go hwetša se sengwe go ja, gomme A se e dire. O nno se ye. O rile, ‘Ke na le dijo tše ke di

jago tšeo le sa tsebego selo ka tšona.’ Kafao ge bohle re ngwegetše morago, re Mmone a bolela le mo—mo mosadi wa tumo ye mpe. O be a marakilwe. Gomme re naganne, ‘Mong wa rena o dira eng godimo fale mo sedibeng, a bolela le mosadi yo wa tumo ye mpe?’ Kafao le a elelwa, re ngwegetše godimo, go dikologa, ka morago ga sethokgwa, re theeditše se ba se boletšego. Gomme O rile go yena, ‘Mosadi, Ntlišetše seno.’ Gomme re be re maketše, go nagana gore Mong wa rena o be a tla bolela le mosadi boka yola.” Le a bona?

¹²⁸ Ba be ba se ba be ba sokologa ka botlalo. Re sa na le mohuta woo lehono, ga ba naganago gore Mokriste ga a swanela go bolela le letagwa goba mmalelegogwana. Yoo ke motho yo ba swanetšego go bolela le yena. Yoo ke motho yo ba swanetšego. Yoo ke monna yo a lego fase. Yoo ke motho go mo phagamiša. Yoo ke yena a hlokago Modimo.

¹²⁹ “Kafao re Mo theeditše, gomme—gomme poledišano e ile pele. Gomme mafelelong O rile go yena, ‘Sepela, hwetša monnamogatša wa gago gomme le tle mo.’ Gomme o rile, ‘Ga ke ne monnamogatša e ka ba ofe.’”

¹³⁰ Gomme Andrea o rile, “A le elelwa ka fao bohle re lebelelanego seng sa rena? ‘Nna, nako ye nngwe O be a le phošo! Go na le sa go thelelela, felotsoko, gobane mo O a mmotša, “Sepela, hwetša monnamogatša wa gago,” gomme o bolela morago, “ga ke na le monnamogatša yo a itšego.” Gomme O a mmotša, “O boletše therešo.” Gomme nako yeo bohle re be re maketše. ‘Re be re eya go reng bjale? Bjale O boditše mosadi gore o na le monnamogatša; gomme o retologa go dikologa, a re ga a na le monnamogatša. Gomme Mong wa rena šo, gomme šele leswao lela la Bomesia le re bego re swanetše go le lebelela, gomme mo le šitilwe.’ Gomme re be re maketše, seng sa rena, ge re lebeletše.

¹³¹ “Gomme morago O rile, ‘O boletše therešo. Gobane, o ne bannabagatša ba bahlano. Gomme yo o nago le yena bjale, gomme o phelago le yena, ga se monnamogatša wa gago.’ Gomme le elelwa ka fao mosadi yola a Mo lebeletšego le go re, ‘Mohlomphegi, ke a bona gore O moprofeta?’”

¹³² Bjale, kha—kha—kha khansele ye kgolo ya dikereke tša lefase letšatšing leo, ge ba e lebeletše, ba rile, “Monna yo ke mmolelelamahlatse. Monna yo o na le diabololo. Ke Beletsebubu.” A le ka nagana gore baetapele ba bodumedi ba be ba ka kgona go goga kgopolo ye bjalo ka yeo, ka sefahlegong sa nako ye e bego e swanetše go direga, le go ya ka Mangwalo? Eupša ba e dirile. Gomme ba sa e dira. Bjale, ba rile, “Ke, oo, ke moya wo mobe godimo ga Monna. Seo ke se A se dirago. O no ba—O no ba Beletsebubu. Seo ke se se lego.”

¹³³ Eupša yo monnyane yo, mosadi wa tumo ye mpe o rile, “Mohlomphegi, ke a bona gore O moprofeta.”

134 O tsebile bjang O be a le moprofeta? Gobane O mmoditše se sengwe se bego se le ka bophelong bja gagwe, o rile, “O moprofeta.”

135 Gomme o rile, “Bjale, re a tseba, rena Basamaria, re a tseba gore ge Mesia a etla, O swanetše go dira dilo tše. O re botša dilo tšohle.”

Gomme Jesu a mo lebelela ka sefahlegong gomme a re, “Ke nna Yena.”

136 Gomme seo se e rarolotše. Go be go se sa na le potšišo. Leswao le filwe. O le amogetše. O le tsebile. O lahlile pitša ya gagwe ya meetse, gomme o ile ka toropongkgolo.

137 Bjale, go ya ka motlwae; gomme mang kapa mang yo a sepetšego, o tseba se. O be a se a swanela go dira seo. Seo ga se bothakga go mosadi yola wa tumo boka yola, mohuta wola wa—wa mosadi, go bolela e ka ba eng go monna mo mokgotheng. Aowa, mohlomphegi.

138 Eupša eng? O be a hweditše se sengwe. O be a le bjalo ka ntlo e eswa, ka letšatši la phefo. O be o ka se kgone go mo tima. O be a hweditše selo se sengwe sa kgonthe. O kitimile go kgabola mokgotha, a re, “Etlang, bonang Monna yo a mpoditšego dilo tše ke di dirilego. A yo ga se yena Mesia Yenamong?” Amene. Modimo re fe basokologi ba bangwe ba bantši ka mokgwa woo. “Le a tseba re lebeletše Mesia,” ba boletše. “Re Mo lebeletše. Gomme fale go dutše Monna thwi ntle fale mo sedibeng bjale, yoo a mpoditšego dilo ke di dirilego. A leo ga se lona leswao la Mesia re swanetšego go le lebelela?”

139 Gomme ba Mo tlišitše ka toropongkgolo. Ga se A tsoge a e dira nako ye nngwe gape. Eupša Beibele e boletše gore banna ba toropokgolo ba dumetše go Yena ka lebaka la bopaki bja mosadi yola. Amene. Ka fao Modimo a kgonago go dira dilo! Ba e dumetše. Gomme Monna yo ga se nke a ke a ba ka go toropokgolo yela pele, le go ema fale le go botša mosadi yola o bile le bannabagatša ba bahlano. Gomme e be e le therešo. Gomme e be e le iri, le nako, gomme ba e dumetše.

140 Gobaneng re sa kgone go e dumela? Gobaneng Tucson e sa kgone go e dumela? Gobaneng kereke lefase e sa kgone go e dumela? Gobaneng Amerika e sa kgone go e dumela? Gobaneng lefase le sa kgone go e dumela? Lengwalo šele le re e swanetše go ba mo ka nako ye, gomme še le rena.

141 Le a tseba, ke a boifa kereke e gogile soulo ya bona go kgabola kanegelo ye ntši ya kgale ya lerato dikgatišobaka sebakeng sa Lentšu la Modimo. Seo ke se e lego bothata. Ba ka kgona go go botša kudu ka gore na naletšana ya mobi ye e latelago ke mang ye e tlogo godimo, go feta go go botša ka go šoma ga Moya wo Mokgethwa. Amene. Yeo ke nnete. Ge re bea nako ye ntši go dula ka Labobedi bošego le Laboraro bošego, le go ya kerekeng go kopano ya thapelo, sebakeng sa go dula gae go

bogela thelebišene go “Yo A Ratago Susie” goba se sengwe boka seo, le go thiša kerekeng, re tla tseba kudu ka Beibele ya rena le go tseba se re swanetšego go ba le sona mo letšatšing le. Nnete. Yeo ke nnete. Eupša, le a bona, rena—rena, re ile kgole. Modimo o re file dikereke le—le badiša ba bakaone, le batho ba go tlala ka Moya. Gomme—gomme re no . . . Re phiphitše kudu ka disoulong tša rena, le go nona le go fepša, go fihla re no se sa E hlokomela gape. Oo, nna! Re hloka go—re hloka go šikinyega. Re hloka se sengwe go direga go rena. Gabotse, mohlomongwe re ne hlong.

¹⁴² Bjale, ke tlile ka go batho ba ba Pentecostal mohuta wa thari. Ke nna yo a tswetšwego ka ntle ga sehla. Eupša ke elelwa ke bala histori ya yona, Azusa Street. Gomme elelwang ge ba be ba tlwaetše go ba le dikopano tše kgolo tše, ba be ba tla rapela bošego bjohle. Gomme botataweno, ba—ba batala mošomong, gomme ba be ba tla rapela bošego bjohle. Gomme ba be ba tla ikona matšatši, gomme ba be ba tla leta go Modimo go fihla Modimo a arabile. Lehono, re ka se kgone go dula aletareng metsotso ye mehlano. Se sengwe se fošagetše. Bothata ke eng?

¹⁴³ Ke be ke tlwaetše go—go ya tikologong le monamedi wa sediko wa kgale wa Methodist, o be a nkopelela pina ye nnyane:

Re hlephiša mapheko, re hlephiša mapheko,
 Re itšimeletša ka sebe.
 Re hlephiša mapheko, dinku di tšwela ntle
 Eupša dipudi di tsene bjang ka gare?

¹⁴⁴ Re hlephiša mapheko. Seo ke se se diregilego. Re itšimeleditše. Gomme re—re swanetše go tloga go yeo, kopano ya kgale ya Azusa Street, bja fešene ya kgale, bodumedi bja pentecostal, bja morago ga dikota, botalalerata, bja go otlologa ga molomo wa sethunya, bodumedi bja go bolaya sebe. Ngwanešu, ga se ba kalaka. Bo hlatswitše bošweu. Bo dirile se sengwe go batho. Gomme, lehono, ge re tlogile go tšwa go bjoo, re ba ba ba hlephilego. Re ba bjalo ka lefase ka moka. Go befile kudu.

¹⁴⁵ Gomme, lehono, bontši bja batho ga ba nyake monna yo a tla emago le go bolela Therešo ka bjona. Ba nyaka Ricky tsoko yo monnyane ka mokoto wa moriri wa Hollywood, le senkgamonate gohlegohle, le go sepelela thwi godimo mo le go bolela ka thutamodimo tsoko ye a ithutilego go tšwa mabitleng tsoko, goba—goba seminarang. Ntshwareleng. Ke lefelo la go swana lohle, legae la ditopo, kafao gona re—re hwetša leo mogohle. Ba nyaka se sengwe boka seo. Ga ba nyake Ebangedi ya fešene ya kgale e neelwago ka maatleng le tšhupetšo ya Moya wo Mokgethwa gape. Go ne se sengwe sa pošo.

¹⁴⁶ Re hloka kopano ya bopaki, selo se segolo go direga. Re hloka kopano ya thapelo. Re hloka go epa fase, go kgeiganya. Ke therešo. Re hloka Kriste morago ka magareng ga rena, go tseba Beibele. Re no ba re hlehla go hlepha le go hlepha, nako yohle.

Re hloka go tla morago go motheo wa setlogo, go tla morago go lefelo, leswika le re matlotšwego go lona, le go thoma godimo gape.

¹⁴⁷ Bjale, mokgekolo yo monnyane yo, o tsebile mo a bego a eme. Go be go se selo se yago go mo emiša. Ee, mohlomphegi. O bile le bopaki. O be a bo bone, gomme o be a bo lebeletše. Gomme o tsebile Lengwalo, gomme o tsebile seo e be e le se le bego le le sona. Gomme ka pela ge le diregile, le phadimile go kgabaganya tsela ya gagwe, mahlo a gagwe a bulegile, gomme o le tsebile. Ga se gona se yago go mo thibela. Ge eba ke metlwae goba e ka ba eng, ga se ye go mo thibela. Nnete. O ya go e bolela, go le bjalo.

¹⁴⁸ Oo, nna, bakeng sa batho boka bao! Re fe seripa sa tasene ba go tuka ka mokgwa woo, ke a le botša, Tucson e tla ba lefelo la go fapana ka matšatšing a se makae. Yo mongwe le yo mongwe wa lena o nyaka seo ka phuthegong ya gago, a ga le? A le ka se ke? Ee, mohlomphegi. Oo, nna! Nnete, seo ke se re se nyakago, yo mongwe a tukago. Re mohuta wa go lewa ke dihlong ka yona, ka mokgwa wo mongwe. Re fihlile lefelong, re no ya kgole go tloga go bja fešene ya kgale, Bophelo bja go tlala Moya bjoo ka kgonthe bo re bolokilego re hlwekile.

¹⁴⁹ Bjale, Andrea o ile a paka. Selo sa pele le a tseba, sekepe se ile sa kgehlemana gape. Eupša ba tla go hwetša, nako ye, le a tseba, letšatši le be le diketše.

¹⁵⁰ Le a tseba, gomme ge letšatši le sobela, ke nako ye bobe bo thomago, ka mokgwa wo mongwe. Ke be ke bala athekele ka gare, ke a dumela e be e le, kgatišobaka ya *Life* goba se sengwe, e sego kgale go fetile. Gomme naletšana tsoko ya mobi e dirile tshwayo boka ye, “Bošego bo dirilwe go phela ka go bjona. Bophelo bo thoma ge letšatši le sobela.” Lehu le thoma ge letšatši le sobela. Moo ke ge bodiabololo ba putula. Šetšang mekgaritswane, dinoga, mašikišiki, mafele, se sengwe le se sengwe gape. Di swanetše go tsena ka leswiswing. Ke ka leswiswing.

¹⁵¹ Ga se lena ba leswiswi. Le ba Seetša. “Sepelang seetšeng.”

¹⁵² E a nkgopotša, o ka kgona go tšea kgwekgwe ya apola ya kgale, wa e bea lebatong. Go ka se be selo se e tshwenyago nakong ya mosegare. A nke go be bošego, gomme nako yeo mafele, se sengwe le se sengwe go dikologa lefelo, se tla nanampela go yona. Gomme ka gona ge o nyaka go a bona a šwalalana, e no thumaša seetša. Ka nnete a a šwalalana.

¹⁵³ Seo se a nkgopotša, boka go rera Ebangedi. E no thumaša Seetša. Ga go tšee botelele kudu go fihla bobe bo eya go šwalalana. Kereke e hloka tsošetšo ye botse, Moya wo Mokgethwa wo mobotse ka kgonthe, tsošetšo seromelwa ke Modimo.

¹⁵⁴ Ge ke be ke le mošemane yo monnyane, ngwanešu le nna; yola a hlokofetšego; re be re le ntle ka nokaeng letšatši le

lengwe, yeo e kitimago ka morago ga lefelo, gomme re bone pshinyaleraga ya kgale. Ga ke tsebe ge eba le a tseba gore pshinyaleraga ke, khudu. Di na le legapi, le a tseba. Ke legapi ka ntle, gomme pshinyaleraga ka gare. Gomme re mo hlokometše a sepela, gomme o be a sepela ka mokgwa wa go segiša. Gomme ge re fihla go yena, o ile “ššš,” a hunyela ka go la gagwe. . .

155 Go no swana le bontši bja ba ba bitšwago badumedi ge o ba botša ka kolobetšo ya Moya wo Mokgethwa goba se sengwe. “Oo, wona matšatši a fetile.” Ššš, “Ga go selo se sebjalo.”

156 Mothaka o rile go nna, letšatši le lengwe, o rile, “Ga ke kgathale se o se tšweletšago.” O rile, “Ga ke kgathale ke batho ba bakae ba hwilego o ka netefatšago ba tsošitšwe, ke ba bakae, ga ke dumele go yona.”

157 Gomme ke rile, “Ka kgonthe aowa. E be e se ya basedumele. E be e le feela ya badumedi. O a bona? O mosedumele.” Le a bona?

158 Bjale, re be re nyaka go mmona a sepela, gobane re naganne go be go lebega go segiša go bona ka fao a lahlelago maoto a gagwe. Kafao ke rile, “Tloga. Tšwelapele o eya.” O nno dula godimo ka legaping la gagwe. “Gabotse,” ke rile, “ke tla mmeakanya, ngwanešu.” Gomme ke ile godimo le go ikhweletša switšhi. Gomme ka kgonthe ke e tšholletše go yena. O ka se kgone go e betha go tšwa go wona. O nno robala fale.

159 Gomme ke rile, “Gobaneng, ke—ke tla go botša se ke tla se dirago. Ke tla mo dira a sepele.” Gomme ke mo tšeešše tlase nokaneng. Ke rile, “Ke tla. . . E tla ba gore o a sepela, goba ke tla—ke tla—ke tla mo nweletša.” Kafao ke mo tsentše fase ka meetseng, gomme ka mo swara ka diatla tša ka. Gomme feela dipue di se kae tša tla godimo, gomme a dula ka legaping.

160 Kolobetšo ya meete ga e e dire, ngwanešu. O ka ba kolobetša ka tsela e ka ba efe o nyakago. Seo ga se e dire. Aowa, aowa. Yeo ke nnete. O ka no hwetša dipue di se kae, eupša seo ke sohle.

161 Ka gona ke bone seripa sa pampiri se robetše godimo ka khoneng. Ke ikgoleditše mollo wo monnyane, gomme ka mmea go woo. Ngwanešu, o sepetše nako yeo.

162 Seo ke se kereke e se hlokago bošegong bjo, o hloka Moya wo Mokgethwa le Mollo, go dira kereke go sepela bakeng sa Mmušo wa Modimo. E tla sepela nako yeo. Tsošetšo, amogela Kriste, Lentšu! Le dumele, Le dumelele le nwelele fase ka fase ga kgopo ya bohloko ka lehlakoreng la ngele, go fihla Le kgwaparetša fase, botebo bja pelo. Ka gona, mafula a lethabo a tla tabogela godimo, le lethabo la go se bolelege, le go tlala letago. Gomme Moya wo Mokgethwa o tla go dira o opele, “Tlatša tsela ya ka letšatši le lengwe le le lengwe ka lerato, ge ke sepela le Leeba la Legodimo.” O tla dira se sengwe go wena. Se re se hlokago, o tla—o tla bea maatla ka kua. O tla go direla se sengwe.

163 E ka ba ka nako, baena ba, letšatši le sobetše, leswiswi la thoma go swara. Sathane o swanetše go be a tlile godimo go tšwa meleteng ya gagwe ya go tlaiša le go lebelela godimo ga thaba. “Aa!” O ile a swanela go robala a homotše letšatši lela, gobane dilo tše kgolo di be di direga. Kafao o . . . Go bile leswiswi, gomme o lebeletše godimo ga thaba. Gomme barutiwa ba be ba tlogile ntle le Jesu. Seo e no ba se a bego a se nyaka. O ba swere ntle le Jesu.

164 Gomme fao e no ba moo a nyakago go go swara. Ga le dumele gore go kota moriri wa lena ke phošo, basadi. O no tla morago go Beibele le go hwetša ge eba ke nnete goba aowa. Ga o nagane dilo tše di fošagetše. O go swara kgole go tloga go Jesu. Yeo ke phetho. O phela bjo bobotse, bophelo bja bomodimo, gomme šetša se se diregago. Batho ba bangwe ba re . . .

165 Mosadi o rile go nna, letšatši le lengwe, o rile, “Ngwanešu Branham. Ke nyaka go go botša gonabjale. O be o bolela ka diroko tša rena, ka tsela ye re bego re di apere, go swinelela kudu letlalo le ka ntle.”

Gomme ke rile, “Gabotse, ke nyaka go go botša se sengwe.”

O rile, “Woo ke mohuta o nnoši wa roko ba o dirago bjale.”

166 Ke rile, “Seo ga se boitshwarelelo. Ba sa ne mašela gomme ba ne metšhene ya go roka. O ka se kgone go hwetša . . . Ga go na boitshwarelelo ka yona, le gatee. Aowa, mohlomphegi.” Ke rile, “Eya pele, gomme letšatši le lengwe o ya go arabela go direng bootswa.”

167 Ga ke kgathale o hlwekile bjang, o sekile bjang go monnamogatša wa gago, lesogana la gago. O ikapeša wenamong gohle wa thobalano le go thoma go theoga mokgotha, modiradibe tsoko o go lebelela ka tsela ya go fošagala, gomme ka Letšatšing la Kahlolo, o tla swanela go e arabela. Gomme ke mang a e dirilego? Wena. Jesu o rile, “Mang le mang a lebelelago mosadi go mo kganyoga o šetše a dirile bootswa le yena ka pelong ya gagwe.” Gomme o itšweleditše wenamong ka tsela yeo.

168 Modimo, re romele tsošetšo pele re senyega. Yeo ke nnete. Re hloka ya fešene ya kgale, ya go romelwa ke Modimo, tsošetšo ya go hudua soulo, ee, hwetša Kriste morago magareng ga rena, hwetša Kriste ka go dialetara le dikopano tša fešene ya kgale tše re bego re fela re eba le tšona mengwaga ya go feta.

169 Bjale, Sathane o rile, “Ba tlogile ntle le Yena, gomme ke ba išitše kgole. Ke a nagana . . .”

170 A ga o dumele, ngwanešu, bjale? Re a tseba go na le dikerekemaina tšohle tša go fapana mo, gomme—gomme ke nna wa tšona tšohle. Kafao, eupša, a ga le nagane gore nako ye ya katlego . . . Re be re aga meago ye meswa. Re be re reka se sengwe le se sengwe se seswa, gomme phuthego yohle e na le tšhelete ye ntši, gomme e apara bokaonana. Ke nagana re mohuta wa go

ya ka mohuta tsoko wa mantladima, gomme re tlogetše Kriste felotsoko. Le a bona?

Gomme bjale o re bona re dutše ka mokgwa wo ntle fa.

¹⁷¹ Tsošetšo e fedile. Gomme rena fa, e se kgale kudu, gobaneng, tsošetšo e be e tuka, gomme bjale go bonala o ka re ke mohuta wo mothata go dira kereke e tlatšwe. Badiša ba mpotša gore go—go bothata, matšatšing a lehono. Gomme batho ba ka se ye kerekeng. Bokaone ba dule gae le go bogela thelebišene, le, goba se sengwe. Lerato le tlogile pelong ya bona.

¹⁷² Gomme Sathane o re bone re tloga ka mantladima a, le go tloga ntle le Jesu, gomme o nagana ke sebakabotse sa gagwe.

¹⁷³ O rile, “Bjale ke tla ba nweletša. Ge ke ba tlošitše, ke tla ba nweletša. Seo e no ba selo se ke tla se dirago. Ke ba swere bjale ntle le Kriste. Ba Mo tlogetše morago.”

¹⁷⁴ Gomme, le a bona, ba be ba le matasatasa kudu, gomme ba bile le bontši kudu go dira, le go šišinya go batho, le ditaba tše ntši tša leago, le se sengwe le se sengwe, go fihla ba lebala go Mo tšea mmogo.

¹⁷⁵ Ke nagana seo ke se re nago le sona, bontši kudu bja mananeo a rena, go fihla re tlogetše Jesu ntle. Dilo tše tate le mme wa rena ba di lwetšego kudu, ba letše ntle seporong sa tsela ya ralawene, le go ja lehea, le korong, le e ka ba eng ba kgonneggo go e hwetša, go rera Ebangedi ye. Gomme lehono re no pshikologa go bapa. Le a bona? Ga se nnete. Re swanetše go ba re tuka.

¹⁷⁶ Gomme Sathane o bona se, gomme o no ba boka go bile nako yela. O rile, “Ke tla ba nweletša ntle kua, bošegong bjo, gobane Jesu o kgole go tloga go bona.” Bjale, diphefo di thoma go tšutla. Bothata bo thoma go tsena ka gare. Gomme go bonagetše eke ga go yo a bilego le karabo.

¹⁷⁷ Bjale re na le dipomo tša haetrotsene le diphatšamaru, le se sengwe le se sengwe gape, eupša go bonala o ka re ga go yo a nago le karabo. Ba na le mehuta yohle ya dikhonferense le dikopano, ba leka go eleletša ge ba ka se kgone go phala yo mongwe go ya ngweding. Ga ke tshwenyege ka go ya ngweding. Ke nyaka go ya go feta ngwedi, ge ke thomiša go rotoga.

¹⁷⁸ Gomme ba goleditše mo, Russia e dirile, e sego kgale kudu go fetile, ka go ba le monna ka lefaufaung, o bile le monna wa mathomo ka lefaufaung. Oo, ba morago bokgole bjo bokae! Re bile le yo Motee ka lefaufaung lebaka la mengwaga ye dikete tše pedi. Nna! Letago! Re ya godimo le Yena, a mangwe a matšatši a, Yena. Nnete!

¹⁷⁹ Eupša, le a bona, ke lebelo la legotlo, boka. Gomme mo ba thoma go tšwelapele, gomme ka gona Sathane a thoma go butšwetša mohemo wa gagwe wa mpholo wa kgale godimo ga bona, “Matšatši a mehlolo a fetile. Ga go selo se sebjalo bjalo ka phodišo Kgethwa. Mong wa gago o kae bjale? Yo mongwe šo

ka phuthegong ya gago, yo a babjago, gomme go bonala o ka re o ka se kgone go ba direla selo.” Le a bona, feela leboto la go tlekatleka. Le a tseba ke eng? Ba bile le kopano letsatši le lengwe, gomme re a kwešiša gore ba ya go tšea, mo metsotsong ya rena goba ka kerekeng ya rena, ba ya go, ba ya go kgabaganya phodišo Kgethwa. Bontši bja dikereke bo dira seo, ga ba sa e dumela gape. Badiša ba bantši ga ba e dire.

¹⁸⁰ Lena batho le ba mahlatse bjang go ba le badiša ba pentecostal ba ba tla emelago selo seo Kriste a se emetšego.

¹⁸¹ Ye nngwe ya dikerekemaina tša rena tše kgolo tša Pentecostal feela kgauswana e dirile setatamente, gore, pele ba ka romela baromiwa ba bona ntle, ba swanetše go ya pele ga ramenagano, go bona ge eba IQ ya bona e godimo go lekanela nako yeo. Oo, ge yeo e se Pentecost!

¹⁸² Ke a makala ke thuto ye kae Petro a ka bego a bile le yona ge nkabe ba mo lekile kua? Seo e be e se . . . Seo ebile se be se sa elwešedi. E be e se ba bile le bontši bjo bokaakang bja IQ. Ke gore ke maatla a makae a Moya wo Mokgethwa ba bilego le wona, go bonagatša maatla, ke mohuta mang wa bophelo ba bego ba bo phela. Nnete.

Bjale, re hwetša gore diphefo tša mpholo di thomile go foka. E phepheutše sekepe se sennyane go tloga go selo se sengwe sengwe.

¹⁸³ Gomme bjale elelwang, ke leboga tšohle Modimo a re direlago tšona. Ke a leboga re ne dikoloi tše mpsha. Ke a leboga re tšwetše ka ntle ga—ka ntle ga mankeretla, go ya ka go diaparo tše botse. Ke leboga seo. Eupša, le a bona, ge re thoma go hwetša dilo tše. . . Re na le dikereke tše kgolo gagolo.

¹⁸⁴ Go be go fela, botataweno, botatagorena, botatagorena ba peleng, ba eme ntle fa mo mokgotheng, gomme ba beilwe bošego ka moka ka kgolegong, bakeng sa go ba le kopano ya bopaki. Ba be ba na le lebenkele le lennyane la kgale tlase kua, leo dikhunkhwane di nyakilego di le rwele go tloga, ka go legolo la go tlala magotlo. Ba mo dumeletše go ba le lona bakeng sa ditolaro tše pedi ka beke. Ka gona o be a eya tlase kua, a thoma, gomme šerifi e be e tla golega sehlopha sohle pele bošego bo be bo fedile. Yeo ke tsela ye ba ilego ba swanela go e lwantšha.

¹⁸⁵ Gomme bjale re na le dikereke tše kgolokgolo ka toropong, mašaba a go apara bokaonekaone, le yo mongwe le yo mongwe gape a tlogo. Eupša a fešene ya kgale a kae, a go romelwa ke Modimo, maatla a Moya wo Mokgethwa ao ba bilego le wona morago kua? Se sengwe se phošo felotsoko. Felotsoko, se sengwe se phošo. Re a phela le rena. . . Re boleta kudu.

¹⁸⁶ Motho o ba boleta. Ba ba motswako. Yeo ke nnete. O tšea mengwaga ye masometlhano ya go feta, di—di dipapadi tša peisepolo, o be o ka se tsoge wa kwa ka kotsi. Bjale ba bolaya

tasene ka ngwaga. Ba itia o tee, o no swana le dikobjana, ba a mo ketola, o hwile.

¹⁸⁷ Lebelelang Bob Fitzsimmons, le—le Corbett, John L. Sullivan, gomme banna bao ba lwelego bontši bja ditikologo tše lekgolo le masomepedi tlhano ka morago ga sekgalela. Gomme tikologo e be e se metsotso ye mebedi goba ye meraro, e be e le go ketola. Ba ketolana seng sa bona, makga a masomepedi tlhano morago ga sekgalela, gohle go bapa. Ba be ba se na le mosamelwana wa mabusebuse godimo ga diatla tša bona go swana le ka fao boramatswele ba nago le wona lehono. Ba be ba le matswele a go se rwale selo. A ka kgona go tšea mohlatloša wa diintšhi tše nne gomme a phatlola pedi ka nne ka diatla tša bona. Ba be ba kgona go e kgotlelela. Ba be ba le banna.

¹⁸⁸ Gomme bjale ba bannyane ba, ba *ba bitšwago* boRicky ba go fepša ka vitamine, ba apere mosamelwana wa mabusebuse. Gomme ba be ba swanetše, ba swanetše go emiša selo sohle sa mosako, se ba se boleta, motho o bile yo boleta. Ga go selo ka go yena gape. Ke se segolo se setona, selo sa go lebega tšitširipa, eupša ke eng? Sehlopha sa lebipi. Feela tlwa se Beibele e se boletšego, “Ba ba bafokotšana eupša ba bohlanjana.” Ke therešo. Motswako!

¹⁸⁹ Eng kapa eng ke e nyatšago ke motswako. Ke bone ntsekana ka go Reader’s Digest. Ge ba ka tšwelapele ba fepa basadi le dilo, dijo tše tša motswako, gore mo mengwageng ye masomepedi go tloga bjale moloko ka moka wa batho o tla fedišwa. Basadi ba ba magetla a mphaphathi, matheka a masese. Ba ka se kgone go ba le masea a bona le dilo. Motswako!

¹⁹⁰ Bolela ka lehea la motswako. Ga go selo go lona. Ke eng? Thoro ye kgolo ye kaone, eupša ga go selo ka go yona. Tšea lehea lela la motswako gomme o le bjale morago, ga o hwetše selo. Le fedile, go kgabaganya e ka ba eng.

¹⁹¹ Gomme seo ke tlwa se kereke e bilego, sehlopha sa motswako. Ke therešo. Ba tswakile kolobetšo ya Moya wo Mokgethwa le boingwadišo bja kereke, gomme ba na le sehlopha sa dibapatšwa tše boleta, ba ba bitšwago, Bakriste ba ba ipoletšego bao ba sa tsebegu bontši ka Modimo go feta mmutla o tseba ka ga dieta tša lehlwa. Le a tseba yeo ke therešo. Se re se hlokago lehono ke bja go rongwa ke Modimo, morago go boitemogelo bja go tswalwa gape bja Beibele. Motswako! Ba re o lebega bokaonana. Seo ke se ba nago naso. Re na le meago ye megolwane, mašaba a go apara bokaonana. Eupša re na le eng? Re na le tsebjana ye kgolwane ya lehea, eupša ga go bophelo ka go yona. Re na le kereke ye kgolwane le legoro le lekaonana la batho ba go rutega, eupša Bophelo bo go kae? Ga ba kgone go itšweletšagape bonabeng.

¹⁹² Go swana le moula. Ka mehla ke kwela moula bohloko. Moula ebile ga o tsebe. . . Ga o na le tswalotlhwatlhwa. Mmagwe e be e le pretshadi, gomme tatagwe e be e le tonki. Ebile a ka se

kgone go ba le bana, yenamong. Ga e kgone go ba tšweletsagape, gape. O ka se kgone go o tswaka morago.

193 Seo se ketotše saense, e rile, ebolušene e boletše gore re tšwa go kgabo. Re be re ka kgona bjang? Ge o e tswaka nako ye nngwe, e ka se kgone go tswaka morago gape. Seo se ketolela ngangišano ya bona ntle. Yeo ke nnete. E ka se kgone.

194 Hlokomelang. Gomme moula wo wa kgale, ga a tsebe. Ga a tsebe. Ga a tsebe selo. Gomme tšohle a di tsebago, o no ba moula. Ka mehla O lebelela. . . O dutše fale ka ditsebe tša gagwe tše kgolo tša kgale di tlorotšwe, le a tseba. Gomme o ya go bolela le yena, o ka se kgone go mo ruta selo. O ka se kgone go mo ruta selo. O no go lebelela, a sepela, “Ho! Ho!” Seo ke sohle a se dirago.

195 Go mpea ka monaganong wa sehlopha sa batho bao ba dutšego fale boka wo mongwe wa moula wo, bodumedi bja motswako re nago le bjona. “Matšatši a mehlolo a fetile. Ho! Ho! Ho!” O tseba eng ka Yona? Yeo ke nnete. Ga a tsebe. Ga a tsebe papagwe e be e le mang. Selo se nnoši a se tsebago, ke ba kerekeleina tsoko.

196 Eupša ke rata ya mmapale ya motswakotlhwatlhwa, pere ya tswalotlhwatlhwa. O a tseba papagwe e be e le mang, mmagwe e be e le mang, rekgolokhukhu wa gagwe e be e le mang, makgolokhukhu. O a tseba e be e le bomang, gobane o tswalotlhwatlhwa.

197 Gomme ke rata Mokriste wa mmapale wa tswalotlhwatlhwa. O tseba mo a tšwago, bakeng sa kolobetšo ya setlogo ya Moya wo Mokgethwa ka Letšatši la Pentecost. Letago go Modimo! O tswalotlhwatlhwa le go tswalelelwa ke Mmušo wa Modimo.

198 E re, a Jesu Kriste o a swana maabane, lehono, le go ya go ile? Moula wa kgale o tla goelela, “Oo, ka tsela, ka tsela.”

199 Eupša tswalotlhwatlhwa e tla re, “Amene.” . . . ? . . . A o dumela go phodišo Kgethwa? “Amene.” Boitemogelo bja mmapale bja Modimo bo tla feleletša tshepišo ye nngwe le ye nngwe ka “amene.” Letago!

200 Ga se ke nepe go dira seo. A re thomeng morago. Ke be ke le kae? Ka kopanong ya bopaki. Hlokomelang. Ke tla tlogela seo go badiša ba lena. Go lokile.

201 Hlokomelang, ledimo le legolo le thoma go direga. Pelaelo e thomile go tla ka gare. Dikgakanegokgolo di thoma go tla ka gare. Seo ke se se diregilego, le a bona, go tswakwa morago gape. Le a tseba ke eng? Semela sa mmapale sa setlogo, ga wa swanela go se peita. Aowa, mohlomphegi. Dikhunkhwane ebile di ka se tsene godimo ga sona. Ke semela sela sa ntlo ya go fiša se o swanetšego go se peita.

202 Seo ke se e lego bothata. O swanetše go peita, le go pepetletša, le go phaphatha go dikologa ka ba ba bitšwago Bakriste. Ba

botše, o ka se kgone go dira se. “Oo, gabotse, bjale, ke tla no go botša, ke ne tokelo.” Ke lena bao. Le a bona? Seo ke semela sa ntlo ya go fiša. Ga ba kgone go kgotlelela selo, mathomong, le a bona. Se o se hlokago ke ya setlogo, go epa ntle ga kgale, le go phušola. Gomme bjalo ka ge ke boletše bošegong bja go feta, hlwekiša sehloga gomme o thome godimo gape. Yeo ke nnete. O ka kgona go dira matikone go tšwa go bona le se sengwe le se sengwe gape, eupša e ka se tsoge ya dira botse. Ba phaphathe ka magetleng gomme o ba bitše ngwanešu, eupša, go filha ge ba tswalwa gape ka Moya wa Modimo, e no ba sehloga se tletše mae a go bola. Yeo ke phetho. E ka se tsoge ya phaphaša. Re hloka kolobetšo ya Moya wo Mokgethwa. Ga ke re go šišinya seatla mo go omilego.

Gomme o re, “A o, a o hweditše Moya wo Mokgethwa?”

203 “Ya, ge ke šišintše diatla le modiša, ge ke amogetše Jesu bjalo ka Mophološi wa ka.” Ngwanešu, yeo ga se Thuto ya Beibele.

204 Paulo o hweditše sehlopha sa Mabaptist a motswakotlhwatlhwa godimo fale, gomme o rile, “A le amogetše Moya wo Mokgethwa *ge e sa le le dumetše?*” E sego *ge le dumetše*. Eupša, “Morago ga ge le dumetše, a le amogetše Moya wo Mokgethwa.” Ke boitemogelo bja sebele bjo bo tlogo. Gomme ge Modimo yola yo mogolo wa go se fetoge a rometše Molaetša wa Gagwe fase, ga A tsoge a fetoga. Amene.

205 Bjale re hwetša go na le bothata. Bothata ke eng? Se sengwe se diregile. Sekepe se a kgehlemana. Phefo e a foka. Sathane o hloriša sekepe, motšubutlo ka morago ga motšubutlo, lephoto ka morago ga lephoto. Gomme dikholofelo tšohle di ile, go ba le tsošetšo ye nngwe.

206 Mabopaki a a hwa. Bokaone ba dule gae le go bona thelebišene. Le a bona? Ga go sa na le dikopano tša bopaki tša Laboraro bošego le dilo, ga go sa na le kopano ya thapelo. Le a bona?

207 Mahuduo a robegile. Sehakadiseila se wele, seterebelo. Tšohle di ile. Tšohle diphefo di šetše di ketotše diseila tšohle.

208 Gomme matshwenyego a lefase le ka pela a tla ketola bopaki bjohle go tšwa go lena, le lena. O lewa ke dihlong go emelela. Gohaneng? O a tseba. O tseba se o se phelago. O a tseba ga o phele go seo. Gona, ke a le botša, se re se hlokago ke tsošetšo.

209 Ba be ba le fao, go no swana le ge re le lehono. Eupša le a tseba ke eng? O be ka kgonthe a se a ba tlogela. Le a tseba, Beibele e boletše gore O nametše godimo ye nngwe ya dithaba tša godimodimo di bego di le ka nageng, gore A kgone go ba šetša. Gomme seo ke se A se dirilego ge A re tlogetše kua Khalibari. O—O—O. . . Ge ba Mmapotše, ga se A tsoge a re tlogela. Ga se A namela thaba ya godimodimo, eupša O nametše Khalibari, le go tšwelapele go namela go feta ngwedi, dinaledi, thwi go ya pele ka magodimong a magodimo. Ge o eya godingwana, o kgona

go bona kgojana. “Gomme O fihlile godimo kudu, go fihla A swanetše go lebelela Legodimo fase,” Beibele e a bolela. Ya. “O godimodimo ka magodimong a magodimo, o rotogetše Godimo.”

210 Leihlo la gagwe le godimo ga phorogohlo, gomme ke a tseba O re šeditše bošegong bjo. Yeo ke nnete. O lebeletše tlase godimo ga kopano ye. O bona bothata bja rena. O tseba dikgakanegokgolo tša rena. O tseba ka fao o babjago. O tseba se o se kgabotšego. O tseba se o lekago go se dira. Le a bona? Leihlo la gagwe le go šeditše.

211 Gomme O be a eme godimo ntlhoreng ya thaba yela, a šeditše, a šeditše. O bone bothata bja bona. O bone mahuduo a robegile. O bone phuthego e tloga, bjalo ka ge go bile. O bone se sengwe le se sengwe se direga. O bone Sathane a thoma go ba tšubutla tikologong, a ba phetlaganya go dikologa, tsela ye nngwe le ye nngwe, moo ba sa tsebego ba dire eng. Gomme morago go diregile eng? Ge dikholofelo tšohle di ile, gore ba ka tsoge, ba be ba ka tsoge ba phološwa, go diregile eng? Nako yeo ba Mmone a etla a sepelela godimo ga meetse. O tlile a sepelela godimo go bona.

212 Bjale, ge nkabe A be a le ka sekepeng, le bona, gomme a ile a sepelela ntle, ba ka be ba e amogetše. Eupša, le a bona, O be a le kgole go tloga go bona, gomme a swanela go tla a sepelela ka gare, godimo ga meetse. Gomme Beibele e boletše, gore, “Ba be ba tšhogile. Ba be ba tšhogile.” Ba rile, “Ke moya.” Gomme selo se nnoši seo se kago go ba phološa, ba be ba se boifa gobane se bonagetše go ba sepoko. Ba be ba se boifa.

213 Ge seo e se seswantšho lehono, ga se nke ka se bolela. Selo se nnoši se ka kgonago go phološa batho, ba a Se boifa: Jesu Kriste. Ka go iri ye ya kotsi ye re lego ka go yona, ge kereke e no ba komana go ya ka go kopano ya dikereke, le go Khansele ya Dikereke tša Lefase, le—le dilo tšohle tše, le dikerekemaina tša rena di a tla, di gogoletšwe fase, le ye nngwe le ye nngwe. Gomme le a tseba. Bohle re tseba seo.

214 Mabaptist a rena le Mapentecostal a rena, ba hwetša tsela ya go swana. Re rata baena ba rena, le mogohle, ga go kgathale moo ba lego. Eupša kerekeleina ga se ya tsoge ya dira kereke ya leina, le go wa, ye e kilego ya tsoga gape. Bjale, le no puruputša histori. Ge di eya, di fedile. Gomme dikerekemaina tša rena tša Pentecostal! Bjale, tshepedišo, e sego baena, eupša tshepedišo ya kerekeleina e dirile. E no ba borutho. E no ba... E na le bolelo, gomme e no ba go hwetša aese go tonya. Le a bona, e—e a tloga. Gomme batho ba a tonya, le fomale, le go hlokomela dilo tša lefase. Gomme re ba ba bagolo ba bakaone se sengwe le se sengwe, le a tseba, le go no hwetša se sengwe le se sengwe se neelwa seatleng sa rena.

215 Modimo o boditše Israele, “Ge o be o se na le selo, Ke go hweditše ka tšhemong o kgamathetše madi gomme ka go

hlatswa.” O lebogile Modimo. Eupša ge o bile yo mogolo, gomme wa thoma go ba le bontši, nako yeo ba lebetše Modimo.

216 Gomme yeo e no ba tsela ye e thomago go ba. Le a bona? Gomme bjale, le a bona, ge dilo tšohle di bonala go ba gore tša rena. . . Re thoma go lebelela ka mathoko, “Ke maloko a makae gape re ka kgonago go a hwetša? Ke phuthego ye kae gape? A re ka kgona go hwetša kereke ye kgolwane gannyane go feta ye ngwanešu yo mongwe yo ka lehlakoreng le lengwe la toropokgolo? Ke bontši gakaakang bja moloko wa sekolo sa Lamorena re ka bago le wona?” Gomme ra ba fa koromo ya gauta bakeng sa go dira selo se se itšego, go tlišeng ba bantši *bjalo* go sekolo sa Lamorena. Mabaptist ba bile le polelo ye nnyane fale, go le bjalo, ka '44, e rile, “Milione bontši ka '44,” selokene. O na le eng ge o fihla ka kua?

217 Ke dutše le Billy Graham, e sego kgale go fetile, o beile ya gagwe. . . o eme godimo kua, gomme a swarela Beibele godimo. O rile, “Wo ke Mohlala wa Modimo.” Ke be ke le difihlong tša gagwe. O rile, “Ke. . . Mokgethwa Paulo o tšere Lentšu le la Modimo, gomme o ile ka toropongkgolo, gomme o rerile, gomme o bile le mosokologi o tee. O ile morago ngwaga moragwana, gomme o bile le ya boraro. . . masometharo go tšwa go yola. Mosokologi yola o tee o thopile masometharo.” Gomme o rile, “O bile le ditlogolo tše masometharo nako yeo, le a bona, go tšwa go ngwana yo motee yola.” O rile, “Ke ya ka toropongkgolo, ke tla ba le maipolelo a dikete tše masometharo. Gomme ke tla morago mo ngwageng, ga ke kgone go hwetša masometharo.” Gomme o rile, “Bjale, bothata ke eng?”

218 Ke thabela moebangedi yola. Ke nagana Modimo o mo šomiša ntle fale ka go seo, moo a lego. E swanetše go ba yo mongwe a yago Sodoma, le a tseba. Bohle ba bona ga ba kgone go dula le Abraham le sehlopha sa gagwe, bagogelwa ntle, Bakgethiwa. Eupša go bile yo motee a šetšego fao, a laetša leswao le le itšego, a ba dira gore ba lokele go tloga. Hlokomelang.

219 Gomme Billy o rile, “O a tseba bothata ke eng?” Ga se a tsoge a goga mehlatloša. O rile, “Ke lena sehlopha sa dibodu sa bareri,” o boletše. O rile, “Ke tla le fa dikarata tše tša sephetho, gomme le tla dula ntle fale, gomme le bea maoto a lena godimo ga teseke, gomme ebile le ka se ye go ba tshwenya; gomme—gomme mohlomongwe go ba ngwalela lengwalo, le go ba botša le tla rata go ba le bona, moleloko wa kereke ya lena. Le swanetše go tšwela ntle kua le go ba phegelela, le go ba tliša ka kerekeng.”

220 Gabotse, ke dutše le go bogela, lebakana, le a tseba. Ke naganne, “Seo se kwagala gabotse kudu.” Ke naganne, “Oo, Ngwanešu Graham. Ka kgonthe ke tla rata go go botšiša potšišo gonabjale. Eupša ke no ba mohlokatebo yo monnyane, le a tseba, gomme o monna yo mogolo. Kafao nka—nka se e dire.

Eupša ke tla rata go re, ‘Ngwanešu Graham. . .’” Sese seo, ge nkabe ke ile ka kgona go mmotšiša.

221 Bjale, elelwang, ga go ponagatšo go yena, gobane ke a mo rata. Gomme ke monna yo mogolo. Ke a mo rapediša, nako yohle, gomme re swanetše go e dira.

222 Gomme bjale, ke be ke tla rata go re, “Ngwanešu Graham, yo, moisa yo o dirile eng, ka mosokologi yo motee yo Paulo a mo thophilego, yo moreri a mo tšerego, o ile go yena?” Gobane, o be a se ne modiša go tlogelwa le yena. Le a bona?

223 Bothata e be e le eng? Paulo ga se a ema feela go boipolelo. O dutše le yena go fihla a amogetše kolobetšo ya Moya wo Mokgethwa. O be a tuka mollo, gomme o nyakile go tšhuma toropokgolo. Seo ke se e lego bothata.

224 Seo ke se e lego bothata lehono. Re no ba tšeela ka gare bjalo ka boipolelo, sebakeng sa go ba iša pele go amogela Kriste, go fihla ba tswalwa ke Moya wa Modimo. Seo ke se re se hlokago lehono, ke tšona dikopano tša bošego bjohle. E sego go no dula. . . Ke dumela go dilo tšohle tša rena re di dirago. Ke dumela go go goelesa; ke dumela go go boleleng ka maleme. Ke dumela go tlhathollo ya maleme. Ke dumela go phodišo Kgethwa. Ke dumela go dilo tšeo tšohle. Eupša, go le bjalo, ke se sengwe se sekaonana go feta seo. Ke Tswalo, ka boyona. Ke Moya wo Mokgethwa, ka Bowona, o tla ka gare ga rena. Dilo tše ke tše kaone. Eupša le. . . Seo se lokile. Eupša, go swana le monna wa lekhallate a eja legapu, “Go na le bontši bja lona.” O swanetše go ya pele, go fihla lerato, thabo, khutšo, pelofalo, boleta, kgotlelelo, maatla a tsogo ya Jesu Kriste a tuka go ya ka bophelong, gona re ka ba le kopano ya bopaki ka ga se Modimo a se dirago magareng ga rena. Yeo ke nnete.

225 Jesu o tlile a sepelela go bona, godimo ga meetse, gomme ba tšhoga. Ba rile, “Oo, ke—ke—ke sepoko. Rena, bokaone re se ye kopanong yela gape. Go a segiša.”

226 Ba Mmone a bowa gape, ka matleng a Gagwe; feela bjalo ka ge A tshepišitše go kgabola matlakala a Beibele ye, a matlakala a—a ka Beibeleng ye, a ke re, gore O tla dira se mo matsatšing a mafelelo. Gomme e sepelela ka gare, gomme bontši bja batho ba re, “Ao, Seo e no ba go bala monagano. Seo ke bomoya. Woo ke mohuta tsoko wa. . .” Le a bona? Seo ke selo sa go swana. Gomme selo se nnoši seo se tla phološago, seo se tla re thušago go tšwa go se, ke go amogela Jesu Kriste. Yeo ke nnete. Hlokomelang. Ge A be a. . .

227 Bohle ba bona ba be ba tšhogile, gomme ba goeditše, “Oo, ke eng Se? Ga re tsebe.” Go be go lebeaga go tšhoša. Go be go lebeaga go ba sepoko. Go diregile eng?

228 Thwi ka go nakwana yela ya tšhoganetšo, go tla Segalontšu, “Se boifeng. Ke Nna. Se boifeng.”

229 Bošegong bjo, ge ke tla bolela se, ge re tswalela bopaki bja rena bjo bonnyane fa. Ke swanetše go e dira, ka pela. Gomme ke tswalela bopaki bja bona, go tswaleleng karolo ye ya tsošetšo. Bagwera, ge le bona Jesu Kriste a dira se sengwe boka A be a dira fa, kopano ya rena ya mašego a mane ke ye kopana kudu. Ke tla rata go ema fa le go tšea Beibele ye, go tloga go Genesi go ya go Kutollo, le go netefatša go lena gore yeo ke tlwa iri ye re phelago ka go yona. Se se swanetše go direga. Go ya ka Beibele, ke iri ya mafelelo.

230 Ge Billy le nna re fofela ka India, feela kgauswana, ba bile le ntshetlana ya pampiri. Ke naga ya malememabedi. Gomme e rile, “Ditšhišinyego tša lefase di swanetše go be di fedile. Dinonyana di boela morago.”

231 Bjale, India, ga ba ne magora a makaone a a go tatagana boka re na le wona. Ba topa maswika gomme ba dira magora a bona, le go aga dintlo tša bona, le bontši bja bona. Gomme bakeng sa letšatši goba a mabedi, dinonyana tšohle tše dinnyane tšeo di bego di dula ka go maswika a di fofetše kgole, gomme di ile ntle. Ga se tša bowa morago go maswika, morago go sehloga sa tšona. Gomme ka gona go diregile eng? Dikgomo tšohle tše di bego di fela di etla ka—ka mantšiboa, ge letšatši le be le fiša, gomme di be di tla ema ka moriting wa maboto a, go fola; dinku; ga se tša e dire. Di ile thwi ntle bogareng bja tšhemo le go ema go kgona senko seng sa tšona.

Ba naganne, “Seo se a tlabo. Go diregile eng ka tšona?”

232 Gomme ka gona, gateete, tšhišinyego ya lefase e swietše naga. Maboto ohle a wetše fase. Gomme ka gona e be e le tlase lebaka la matšatši a mabedi goba a mararo, ditšhišinyego tša lefase. Morago, gateete, se se bego se šetše se eme, dinonyana tše nnyane tša thoma go tla ka gare gape, tša tla morago. Ba rile, “Ditšhišinyego tša lefase di swanetše go be di fedile.”

233 A ga le bone, bagwera? Modimo wa go swana ka matšatšing a Noage, yo a kgonneggo go tšea dinonyana le diphoofolo, le go di bea ka arekeng ya polokego, kgole go tloga go tshenyego, Modimo yola wa go swana o sa kgona go sebotša nonyana. Gomme nonyana e ne feela sekwitlhahlo go ya ka sona. Ge nonyana, ka sekwitlhahlo, Modimo a mo sebotša go tloga go a magolo, maboto a go wa, ka nnete, gore ka kolobetšo ya Moya wo Mokgethwa, gore re kgone go tloga go maboto a magolo a kgale ao a lego metlawae yeo e agilwego go re dikologa, le go tšwela ntle kua, ge re swanetše go ema, yo motee go itshama ka yo mongwe, le go dula ka moriting wa Beibele. Yeo ke nnete. O . . .

234 Le se boife. O e tshepišitše. O tla a otlella thwi ka go rena, gomme o dira mediro ya Gagwe. Gomme a re se boifeng, bošegong bjo. Ge re ka no bula dipelo tša rena le go re, “Morena Jesu!”

235 Lebelelang mašego. Lebelelang, e nong go lebelela, feela mašego a rena a mannyane, ge re no se tsoge ra ba mo pele ka kopanong. Gomme bjo ke feela bo—bo bošego bja bone. Mašego a mararo a fetile. Gomme lebelelang, Moya wo Mokgethwa ga se wa šitwa nako e tee. Ke hwetša mangwalo a mabopaki go tleng morago go tšwa mafelong, le go bolela se se tla bago ge ba fihla gae, le go ya pele. Ba rile go be go no ba tlwa ka tsela yeo. Gobaneng, nnete. Ka mehla go tla ba ka tsela yeo. Le a bona?

236 Šetšang se e se bolelago. Feela ge o ekwa e bolela, bona se e go botšago. Le a bona? Ke bolela gona se ke se lebeletšego. Gona leta gomme o bone se A go botšago go se dira. E ka ba eng A go botšago go dira, sepela, e dire. Ga ke kgathale se e lego. Eya, e dire. Ga se ngwaneno mo; ke Jesu Kriste. Le a bona? Ke Kriste. Jesu o rile ge A be a le mo, “Ga se Nna; ke Tate.” Le a bona? Tate o be a šoma ka Yena. Bjale, Tate o šoma ka Kereke ya Gagwe, le a bona, Moya wo Mokgethwa.

237 Gomme ge o O bona, o se ke wa O boifa. O gokare, e re, “Morena Jesu, ke a Go rata. O mo. Mohlomongwe ga se ka ke ka Go amogela bjalo ka Mophološi wa ka. Bošegong bjo ke ya go dira bjalo. Ke nyaka Wena bakeng sa Mophološi wa ka. Ga ke nyake kopano ye go tswalela go fihla ke phološitšwe. Ke nyaka O mphološe bošegong bjo, Morena.” O tla e dira. O tla e dira. Seo se no netefatša O fa. Re mo matšatšing a mafelelo. Dilo tše di swanetše go ba.

238 Gomme elelwang, leswao la mafelelo le le filwego Abraham, e bego e le sekai sa bao ba tla yago ka go Tthatlogo. Le a bona? Ba be ba šetše ba le ka ntle ga Sodoma. Leswao la mafelelo le le filwego go yena e be e le lona leswao lela: Modimo a bonagaditšwe ka nameng ya motho, yo a boditšego Abraham se Sarah a bego a se nagana, ka tenteng ka morago ga Gagwe. Gomme Jesu o retologela thwi morago go dikologa le go re, “Bjalo ka ge go bile ka matšatšing a Loto, go tla ba bjalo ka go tleng ga Morwa wa motho.”

239 Ke tšeagore lena batho le ba semoya. Hle lelang go kwešiša. Le a bona? Se e ka no ba sebakabotse sa lena sa mafelelo. Le a bona? Mohlomongwe o be o se wa rutwa se ka dikerekeng tša lena, dikereke tša lena tše kgolo tše kaone. Banna bale, ga go selo kgahlanong le modiša wa lena bjale. [Ga go selo go theipi—Mor.] “. . . se boifeng. Ke Nna. Se boifeng.”

240 Bjale, Tate wa Legogodimong, ye ya go befa, ye nnyane, kopano ya bopaki bja go kgeiga bjo ke bego ke leka go bo hlalosa, le go leka go bontšha batho gore re ka ba le bopaki bja go swana ka go ye nngwe le ye nngwe ya dikereke tše Lamorena. Dikereke tše kaone tše di dutšego fa, tše e lego ntloseetša, go ka kgona go ba batho ba eme ka kua, ka Lamorena mosong, ba efa bopaki bja selo sa go swana seo ba bego ba paka ka sona bošegong bjola godimo ga lewatle. “Oo, a dipelo tša rena ga se tša swa

ge re Mmone a dira *se*, gomme re Mmone a dira *sela*?" Modimo, hle, romela tsošeletšo ye kgolo, Tate. Re sware, Morena. Re—re hloka tsošeletšo ye kgolo. Ikutolle Wenamong go rena, ka tsela ya kgonthe, bošegong bjo.

²⁴¹ Mohlomongwe, Morena, ka morago ga kopano ye ya bopaki ke boletšego ka yona, mohlomongwe go tla tla tlala ye bjalo godimo ga dipelo tša batho, ge O ka no ipolela Wenamong gape bošegong bjo magareng ga batho. Gona ba tla tloga fa, gomme Lamorena mosong ba tla tlala dikereke tšela le go paka. Ba tla tloga mo, go ya go baagišani ba bona, gomme ba thoma go thopa disoulo, le go leka, go ya tlase le baagišani ba bona, le go rapela le bona, le go ya, go etela dipetlele, balwetši le batlaišwa, le go ba botša gore Jesu Kriste o a phela go ya go ile. E fe, Morena. Ekwa thapelo ya rena.

²⁴² Wo ke morero wa rena wa go ba mo, Morena. Gomme O tseba maikemišetšo ka pelong ya rena. Gomme kafao re a rapela gore O tla e amogela, Tate, ge re kgopela tšhegofatšo ye Leineng la Jesu Kriste. Amene.

²⁴³ Bjale, ka go homola ka kgonthe. Bjale, ga re ne sešupanako. Ke ofe wa lena banešu? Ke robile sešupanako sa ka. Gomme ke nako mang? E no mpotša. [Ngwanešu o re, "Šupa ka morago ga lesome."—Mor.] Oo, ke thari go feta nkile. Gosasa ke Mokibelo. Ke maswabi. Ke bone ba babedi goba ba bararo ba emelela, go ya ntle, gomme ke—ke a tseba ke dutše botelele kudu. Yeo e bile. . . Nna, le batho ba bakaone kudu! Ke no hloya go nagana ke ya go swanela go le tlogela bošegong bjo. Yeo ke therešo, ka pelong ya ka. Ke nna. . . Ge ke le moikaketši, ga ke e tsebe. Eupša ke rata batho.

²⁴⁴ Ge ke be ke le mošemane yo monnyane wa kgale, ke godišwa, ga go yo a bego a tshwenyega ka nna. Ga go yo a bego a nthata. Gomme ke tšoenne kereke, ke hlomamišitšwe, kerekeng ya Missionary Baptist. Ka mehla ke bile le kgopolo gore Modimo e be e le Modimo. Gomme ke be ke le mohuta wa nku ye ntsho, kafao go bolela, fao.

²⁴⁵ Ngk. Davis o be a fela a mpotša, "Billy, o tla retologa go ba mopshikologimokgethwa," le tšohle tšeo.

²⁴⁶ Eupša, go le bjalo, ke dumetše; ge Modimo a kile a ba Modimo, O sa le Modimo. Gomme ke nno. . . Diphenyego tša ka di ntlahletše ka tsela yeo, gobane ke be ke bone Seo ge ke be ke sa le mošemane yo monnyane. Gomme ba bantši ba lena le badile puku ya ka, kanegelo ya bophelo bja ka, le dilo. Gomme Modimo, Legodimo, o a tseba ke therešo. Gomme ke tsebile go be go le se sengwe fale. Ke kgonne go Se bona, Seetša sela. Se boletše le nna, gomme ge e sa le ke le mošemane yo monnyane wa lesea, gomme ke tsebile e be e le therešo.

Gomme o mpoditše, o rile, "Oo, o sa nno ba le toro."

247 Ke rile, “Ge yeo e le tsela ye e lego, ke tla no neela karata ya ka ya kopanelo.”

248 O rile, “Oo, o se nagane ka tsela yeo. Eupša,” o rile, “o tla e fenyā, Billy.”

249 Eupša ga se ke dire, le bjale, gomme ke a holofela ga ke tsoge ka dira. Ye ke yona. Gomme Petro o rile, ka Letšatši la Pentecost, “Se ke Sela.” Ge se e se Sela, nno ntumelelang go boloka se go fihla Sela se etla gona, gobane ke rata se. Gomme ke a rapela gore Modimo o tla dira motho yo mongwe le yo mongwe go ikwela ka mokgwa woo.

250 Gomme, bagwera, ke le botša se e lego Therešo. Bokgole bjo. . . Beibele ye e robetše fa. Ga se ka ke ka e tswalela, le bjale. Kafao nthuše, ka Beibele ye pelong ya ka, gore ke le botša Therešo ya go botega.

251 Gomme ke a dumela gore ke Jesu Kriste, ka sebopego sa Moya wo Mokgethwa, le a bona, Modimo Moya wo Mokgethwa a etla fase Leineng la Jesu Kriste, go hlatsela gore re ka matšatšing a mafelelo; gomme Moya wa Gagwe o lefaseng, magareng ga batho ba Gagwe. Gomme Seetša sela godimo kua, ke a dumela, ka pelo ya ka yohle, gore yeo ke Pilara ya Mollo ya go swana yeo e etilegopele bana ba Israele go kgabola lešoka. Ke a dumela E bile Yena wa go swana a bilego godimo ga Jesu Kriste, wa go swana ge A sepetše. Gomme yoo ke Yena wa go swana yoo a timilego mahlo a Saulo, mo tseleng go ya Damaseko, ge a goeditše “Morena, Wena o Mang?” Gomme O rile, “Ke nna Jesu,” Le a bona? Ke a dumela ke selo sa go swana. Se dira mediro ya go swana.

252 Kafao, e ka se kgone go ba nna. E no nagana, ke nna . . . Ebile ga ke ne thuto ya kreiti ya bošupa. Ga ke tsebe selo ka, gabotse, thuto e ka ba efe—e ka ba efe, go no feta go kgona go bala Beibele. Eupša ke a Mo tseba.

253 Yo mongwe o rile, e sego kgale go fetile, o rile, “Ngwanešu Branham, ga o tsebe Beibele ya gago.”

254 Ke rile, “Eupša ke tseba Mongwadi, ke—ke. . . gabotse ka kgonthe. Gomme ke. . . O tla—O tla ntira ke tsebe Puku ya Gagwe, bjalo ka ge A nyaka go E utolla go nna.”

255 Gomme ga go nako e tee moo Morongwa yola wa Morena, a emego fale, a kilego nako e tee a mpotša e ka ba eng eupša se se ilego thwi morago ka Beibeleng le go e netefatša ka Beibele. Ge e ka be e ile ya tsoge ya mpotša e ka ba eng e bego e le kgahlanong le Beibele, ke be nka se e dumele. Beibele ye ke ya pele. Mohuta e ka ba ofe wa Morongwa, goba e ka ba eng gape, ye e ka pakago e ka ba eng kgahlanong le Lentšu le, le se e theetše; Ga ke kgathale e bonala kgonthe gakaakang. Ye ke nnete. Ka mehla ke nnete.

256 Joseph Smith o bone—o bone morongwa. Bjale, ga ke—ga ke belaele lentšu la monna yola, le gannyane. Eupša selo sa yona e bile, e be e le kgahlanong le Lentšu. Le a bona? Ke—ke—ke. . . E

swanetše go ba Lentšu. Ke a dumela monna e be e le monna wa go loka, ka nnete, le go hlokofala. Eupša ke . . .

257 Yo a bolelago mo, o swanetše . . . Ga ya swanela go ba e ka ba eng kgahlanong le Lentšu le. E swanetše go ba thwi le Lentšu.

258 Gomme kafao nthuše, ga ke ne nako go dula fa, go le botša, gomme bošego morago ga bošego. Eupša dilo tše le di bonago di dirwa, nka kgona go e netefatša ka Mangwalo. Ge le tšea ditheipi, le a e tseba, gore go godimo le godimo gape, go tloga go Genesi go ya go Kutollo. E šupa tlwa go mohlare Monyalwa wo, iring ye, Moya wa go swana go bowa morago gape, gomme kenywa ya Moya wo Mokgethwa e bonagaditšwe, “go bušetša Tumelo ya bana morago go Tumelo ya botate gape.” E no ba tlwa selo sa go swana, tsela yohle go kgabola Beibele, e akanyeditšwepele go ba mo. Gomme ke rena ba. Ka pela ka morago ga ge kolobetšo e ewa, le dilo boka tšeo, go swanetše go ba pušetšo mo matšatšing a mafelelo.

259 Gomme, batho, le se ke la e beela thoko, lebelelang tsela ntle mo ka moso. Ka mehla e ya thwi bokagodimo ga hlogo ya gago, gomme o—o a e foša. Eba komana. Ge e le Lengwalo, le sware. Ge e se Lengwalo, le tlogele le nnoši. Le a bona? Eupša, kafao nthuše, ke Lengwalo. Le a bona, seo ke se A se dirilego ka matšatšing a mangwe. Ge A swana lehono, O tla dira go swana.

260 Bjale, ke a dumela Billy Paul o file dikarata tša thapelo. A o dirile? O file eng ntle lehono? Re na le bontši bja yeo. Huh? B, tee go fihla go lekgolo. Gabotse, a re thomeng. Re be re le kae? Re be re le go ya pele le ya mafelelo, ya tše dingwe, le go kgabola fale. A yeo e be e se nnete. A re thomeng morago go ya pele, bošegong bjo, ya B, B, dikarata tša thapelo di nago le B. Gomme a re thomeng go tloga go, gabotse, a re nong go thoma go tloga go nomoro tee, gobane re ya go di hwetša tšohle, go le bjalo. Go lokile.

261 Nomoro tee. Ke mang a nago B, nomoro tee, phagamiša seatla sa gago. Mohumagadi yo? Etna godimo fa bjale. Ge o . . . ke . . .

262 Ke bona mohumagadi yo motee ka setulong sa bagolofadi kua. Gomme ge a, ge karata ya gagwe e bitšwa, ge a na le e tee, elelwang, e nong go mo tliša thwi godimo sefaleng. Le a bona? Go lokile.

263 B, nomoro tee. Nomoro pedi? Nomoro pedi? Ke mang a nago B, nomoro pedi? A ya gagwe ke nomoro pedi? Bjale, go lokile, motsotso feela. Motsotso feela, re tla e hwetša mothalong, ka pela ge re e bitša. Go lokile. Nomoro pedi, ke mang a nago le yona? [Ngwanešu o re, “Thwi tlase fa, Ngwanešu Branham.”—Mor.] Nnete. Ke maswabi. Ke maswabi. O ka morago ga setšeaantšu. Godimo fa, mohumagadi. Nomoro pedi.

Nomoro tharo? Go lokile, mohumagadi.

264 Nomoro nne? Karata ya thapelo nomoro nne, ke mang a nago le yona? Nomoro nne. Mohlomongwe e bolele. . . Bjang. . . ? Ke eng yeo ka Spanish? [Ngwanešu o re, “Cuatro.”—Mor.] Cuatro. Ke a tseba ga se ka e bolela gabotse. Go na le tsela e tee feela ke. . . Lentšu le tee feela nka kgonago go le bolela ka Spanish, “Oiga.” Ke elelwa batho ba difoa ba be ba fela ba re, “Oiga,” gomme o re, “Si.” Go lokile.

Nomoro nne. E šetše e le ka gare, nne.

265 Tlhano, karata ya thapelo nomoro tlhano? [Ngwanešu o re, “Morago.”—Mor.] Moragorago. Go lokile, mohumagadi morago fa.

266 Mošemane o tliša dikarata tše fase bjale, gomme o fa tše. O di tliša godimo pele ga phuthego, a di hlakanya tšohle, gomme a no go fa karata ya thapelo. Ga go kgathale moo o lego goba o mang, o a e hwetša. Gona yo motee a ka hwetša nomoro tee, yo mongwe lesometlhano. Yo mongwe. . . Gomme ka gona ga ba tsebe gabjale mo re yago go bitša go tšwa gona. Le a bona? Gomme kafao ke no tla fa, le e ka ba kae re bitšago.

267 Yeo ke tlhano, tshela, šupa. Tshela, iša seatla sa gago godimo ge o na le yona, tshela. Gabotse. Šupa, nomoro šupa? Go lokile. Seswai, senyane, lesome, lesometee, lesomepedi, lesometharo, lesomenne. Lesomenne?

268 Bjale, ema motsotso, ke bone tše pedi. Ke fošitše. Ke monna le mosadi ba eya ka tsela ye nngwe. Ke naganne e be e emelela, go tla godimo.

269 A re boneng, lesomepedi. Lesometee, lesomepedi, lesometharo, lesomenne, lesometlhano. Lesometlhano? Lesometlhano? Lesometlhano.

270 Gabotse, a re—a re thomeng go ba, gobane re tla ba hwetša bohle. Re hwetša yo mongwe le yo mongwe wa bona, Morena ge a rata, feela mo nakwaneng ye nnyane. Eupša feela. . . A re nong go leta metsotso e se mekae go fihla re—re kgona go hwetša ge eba re—re ka kgona go e hwetša goba aowa. Go lokile, yo mongwe le yo mongwe o ikwela gabotse.

271 Bjale, ke ba bakae ka fa ba se nago dikarata tša thapelo? A re boneng diatla tša lena. Go lokile. Bjale ebang tlhomphokgolo. Šetšang ka tsela ye. Rapelang. Bjale, elelwang, ye ke kopano ya rena ya mafelelo. Bjale a re beng tlhomphokgolo ka kgonthe. Šetšang ka tsela ye.

272 Bjale, ge ba sa dira mothalo wola wa thapelo komana godimo fale, a re boleleng se. A re yeng morago mengwaga e se mekae. A re boneng Morena Jesu nako ye nngwe, morago ga ge A tshetše lewatle. O tsokamile lebopong mosong, go tšwa sekepeng, gomme O be a eya godimo ka nageng. Gomme mosadi yo monnyane yo a bego a na le taba ya madi, o be a se na le karata ya thapelo.

273 O re, ke a dumela re . . . Yo mongwe o timile mabone. A ke ka morero wo o itšego, goba eng? Goba a tima ka go itiragalela? A ba . . . ? A ke go rena go tloga? [Ngwanešu o re, “Aowa. Se sengwe se diregile godimo mo.”—Mor.] Oo, ba bangwe, ba bangwe . . . Oo, a tla morago. Yo mongwe o dirile phošo, ka ntle, gomme a tima switšhe. Go lokile.

274 Hlokomelang bjale Morena wa rena Jesu. Bjale, ke ba bakae ba kwešišago se? Ga re leke go bolela gore re Morena Jesu. Mang kapa mang o kwešiša seo. Go lokile. Re baneno. Le a bona? Re bahlanka ba Gagwe. Eupša, e no ba mpho, go ineela wenamong.

275 Bjale šetšang se. Banna šeba bao ba lego—ba—ba lego baithutamodimo, banna ba ba hlahlilwego ka go Lentšu. Bjale, baena, ge bohle le thoma go rera molaetša, ge le no leka go o dira, lenabeng, ga o dire botse bjo itšego. A o a dira? Eupša ge o hwetša go šušumetšwa, o—o, O no ba tsela ye nngwe o no tla fase. Ga o tsebe se o yago go se bolela. A yeo ke nnete? Moo ke go rera ka tšhušumetšo, le a bona. Woo ke Moya wo Mokgethwa. Bjale, nna, ga ke ele go lekanela go dira seo, ka mokgwa woo. Le a bona?

276 Eupša, bjale, se sa ka se lego, e no ba mpho, go tseba feela mokgwa wa go, go swana le, goga lelelwana, gomme o no itloša tseleng wenamong. Gomme o . . . e no ba boineelo bja go felela. Nka se kgone go e hlalosa. Ga go motho yo a ka kgonago go hlalosa Modimo. Nka se kgone go le botša ka fao e . . . go direga eng, le se se diregago. Ke no tseba ke mpho ye nnyane. Gomme ke no ba le tsela ya go no itloša tseleng nnamong. Gomme nako yeo, gateete, ke thoma go ikwela se sengwe sa go tlabo, se sebose, sa go kokobela. Gomme, lebelelang, ke bona Seetša sela se dikologa tikologong. Gona ke a tseba go lokile. Ke ka lebaka leo ke letago. Gomme ka gona ge yo mongwe a eya go bolela . . .

277 Ke ka baka leo ke nago le yo mongwe godimo mo, kudu go swana le go kgabiša, le a bona, go dira motho yo motee a hlaolwe, gore ke kgone go bolela le bona. Gomme ka gona ge Moya wo Mokgethwa o thoma go sepela godimo ga motho yo, ka gona o thoma go swara batheeletši. Gomme ka gona batheeletši ba thoma go—go makala, ka gona ba thoma go hwetša tumelo. Gona, mang kapa mang a nago le tumelo, gona o no thoma go ikwela yona *fa, fale*, mogohle nako yeo. Le a bona? Gona feela . . . Go na le, e no e netefatša.

278 Bjale, elelwang, ke se sethata kudu, selo sa go kgehlemanyana. Jesu o be a tla rera letšatši lohle; go be go sa Mo tshwenye. Eupša ge mosadi yo monnyane yola a kgwathile seaparō sa Gagwe, gomme a ya ntle le go dula fase, go tšere bokwala go tšwa go Yena. A yeo ke nnete? Gabotse, mang kapa mang o a tseba bokwala ke maatla. Gabotse, ge e ka dira seo go Morwa motswalwa ke kgarebe wa Modimo, e tla dira eng go rena bjalo ka badiradibe ba ba phološitšwego ka mogau wa Gagwe? Le a bona? Le a bona?

279 Go rera, o ka kgona go dira seo bošego bjohle, go ka se go tshwenye. Eupša a nke pono e tee e direge, le a bona, ke se sengwe, gomme se ka lefaseng le lengwe. Le bona batho mohlomongwe ge ba be ba le bana ba bannyane nthatana, goba se sengwe. Gomme o swanetše go bolela ka lebelo; gobane, o a tseba o eme fa, eupša efela o felotsoko gape, moragorago felotsoko gape, o a bolela. Gomme ka gona ge o tšwela ka ntle ga yona, ga o tsebe se o se boletšego go fihla o se theetša godimo ga theipi. Le a bona? Gomme ga se motho. Ga se motho. Yeo ke phetho. Ke Modimo. Ka mehla ke nnete. Gomme O tshepišitše seo. Le a bona? “Go bona dikgopolo tša bona,” Beibele e rile seo ke se A se dirilego. E bitše eng kapa eng o nyakago, eupša Beibele e rile, “Jesu o bone dikgopolo tša bona.”

280 Bjale, ke nyaka le dumele. Bjale, sa pele, ke nyaka le bone seo, le a bona, bjale, boka phodišo. Re a tseba Moya wo Mokgethwa o fa. Gomme ke dumela go go beeng diatla.

281 Yo mongwe, oo, o tabogetše go nna, mohuta wa makgwakgwa, ka seo, mosong wo. O rile, “Ga go selo se sebjalo bjalo ka batho ba beana diatla seng sa bona. Ga ya swanela go dirwa.”

282 Ke rile, “O nno se bale Beibele, ngwanešu. Yeo ke phetho.” Ke rile, “Thomo ya mafelelo, ye e welego go tšwa go dipounama tša Jesu Kriste, e bile, ‘Beang diatla godimo ga balwetši, gomme ba tla welwa ke maruru,’” Mantšu a mafelelo A a boletšego, ge A tlogela lefase.

283 Thomo ya Gagwe ya mathomo, O file barutiwa ba Gagwe, e bile, “Fodišang balwetši, thakgafatšang balephera, tsošang bahu, lelekelang bodiabolo ntle,” sehlopha sa pele A se beilego ntle, Mateo 10.

284 Gomme sehlopha sa mafelelo A se beilego ntle, “Maswao a a tla ba latela, dumelang. Ba tla lelekelana bodiabolo ntle; ba bolela ka maleme a maswa; ba swara disephente; ba nwa dilo tše di bolayago. Ge ba bea diatla tša bona godimo ga balwetši, ba tla welwa ke maruru.” Ao ke Mantšu a mafelelo A a boletšego, gomme o amogetšwe godimo ka Letagong. Nnete. Yeo ke thomo ye kgolo. Se e se dirago, ga ke tsebe. E no ba go dira se A rilego se dire.

285 Eupša fa, bohle, ke a thanka, diphesente tše masomesenyane tša lena, le badumedi, goba go feta. Le badumedi, gomme le no ba le tokelo ye ntši go bea diatla godimo ga balwetši bjalo ka ge ke dira, goba badiša ba lena ba dira, yo mongwe le yo mongwe. “Beang diatla,” badumedi, “maswao a a tla latela.” E sego “badiredi,” eupša yo mongwe le yo mongwe yo a dumelago. O na le tokelo, yo mongwe le yo mongwe.

286 Bjalo ka ge ke boletše, ga go banna ba bagolo, le banna ba bakgethwa. Ga ba gona. Ga se rena, e ka ba mang wa rena, ba bakgethwa. Re na le Moya wo Mokgethwa ka go rena, eupša ga

se rena ba bakgethwa. Ke, Yena ke Yena yo mokgethwa. Le a bona? Ke bokgethwa bja Gagwe; e sego bja ka, e sego bja gago. Bja Gagwe!

²⁸⁷ Eupša, fa, a re nong go tswalela menagano ya lena go se sengwe le se sengwe bjale, lebaka la metsotso ye e latelago ye lesometlhano. Gomme bjale, banna ba ba dutše mo, ba lebeletše go dikologa.

²⁸⁸ Mosadi šo o eme pele ga ka. Ga se nke ka ke ka mmona bophelong bja ka. Bokgole bjo . . . A re basetsebane seng sa rena, mohumagadi? Le mo kwele, se a se boletšego? O be a le ka dikopanong tša ka, makga a mmalwa, eupša ga se a ke ebile a ba le sebakabotse go re, “Go bjang?” go nna. Le a bona? Kagona, ga ke tseba mosadi. O eme fale. O fa bakeng sa morero tsoko. Bjale, a re nong—re nong go nagana bjale. Tšeang Mokgethwa Johane, tema ya 4, ge Jesu a kopane le mosadi.

²⁸⁹ Bjale, elelwang, O rile, “Mediro ye Ke e dirago le tla e dira le lena.”

²⁹⁰ Bjale, mosadi šo le monna, ba kopana lekga la mathomo bophelong. Bjale, yeo ke therešo. Ke rena ba. Beibele ya Modimo še. Mosadi šole o eme. Ke eme fa. Ga se ka ke ka tseba, ka tsoge ka bona mosadi ka bophelong bja ka, ke a tseba. Seo ke sohle ke se tsebago, ke, o eme fale. Lehono o be a le ntle mo felotsoko, gomme yo mongwe o mo file karata ya thapelo, gomme nomoro ya gagwe e beditšwe, gomme šo o eme. Yeo ke phetho.

²⁹¹ Go na le ba bantši ntle kua. Bošegong bja go feta re nno tšea bao ba bego ba se ne dikarata tša thapelo. Ke ba bakae ba bego ba le mo go bona seo? Le a bona, karata ya thapelo ga e na le selo go dira le yona. Le a bona? Ke tumelo ya gago ye e swanetšego go dira ka yona.

²⁹² Bjale, o re, “Ngwanešu Branham, a o ka kgona go fodiša balwetši?” Ga go motho lefaseng a ka kgonago go fodiša balwetši. Ba šetše ba fodišitšwe. O no swanela go ba dira ba e bone, ba e dumele.

²⁹³ Bjale, ge Jesu Kriste a ka tla go lefelotiragalo gomme a šoma ka mosadi yola le nna! Bjale, ge e šoma ka nna gomme e sego yena, e ka se šome. E swanetše go ba bobedi bja rena, mmogo. Le a bona?

²⁹⁴ Go swana le wena. Ge o na le tumelo, o a e dumela, gona, o a bona, e tla šoma gare ga rena. Le a bona? Ke tumelo ya gago le tumelo ya ka. Ke e dumetše. Ge le ka no e dumela le nna, gona re tla bona Mantšu le ditshepišo tša Kriste di phethagatšwa.

²⁹⁵ Bjale, ge e ka ba mang a dumela ke phošo, gomme o a dumela o ka dira selo sa go swana, ke go laletša go sefala. Le a bona? Kafa, gona, o se bolele selo ka yona.

²⁹⁶ Bjale, etla mo, mohumagadi, e no ema mo. Bjale, ke nyaka go go tliša ntle, ka gore fao go tumelo ya nthatana kudu. Gomme

ke no nyaka go bolela le wena nakwana, boka Morena wa rena a boletše le mosadi yola. Bjale, ke sa go tsebe, ga se ka ke ka go bona ka bophelong bja ka, gomme o mosetsebjé wa go felela go nna. Bjale, ge Morena Jesu a ka no dira se sengwe mo, boka A dirile ge A be a le ka Beibeleng, letšatšing la Beibele, a go tla re dira re ikwele re thabile, gomme—gomme re ka kgona go ya gae?

297 Boka bale ba, letšatši le lengwe, O be a le go . . . Morago ga lehu la Gagwe, poloko, le tsogo, O be a le go . . . Barutiwa ba bangwe ba be ba le tseleng go ya Emause. O a e elelwa, ngwanešu? Tseleng go ya Emause, gomme—gomme ba kopane le Morena Jesu gomme ba boletše le Yena, letšatši lohle botelele, gomme ba be ba sa Mo tsebe. Eupša ge A ba tlišitše ka gare, bošegong bjo, gomme a tswalela mabati, O dirile se sengwe feela tlwa boka A dirile pele ga papolo ya Gagwe, gomme ba tsebile e be e le Yena. Ke ba bakae ba elelwago kanegelo? Kgonthe. Ba tsebile e be e le, gobane ga go yo mongwe gape a e dirilego ka tsela yela. Gomme mahlo a bona a bulegile, gomme A timelela go tloga go bona.

298 Bjale, O a phela bošegong bjo. Bjale, ge A phela, gona O tla dira go swana lehono boka A dirile pele ga papolo ya Gagwe, go netefatša gore O tsogile. A yeo ke nnete?

299 Bjale, ga A na diatla bošegong bjo eupša diatla tša ka le diatla tša gago. O na le mahlo ka go a ka le a gago. Seo ke se A se šomišago. Yena ke Morara. Rena re makala. A yeo ke nnete baena? Gomme Morara ga o enywe kenywa. Lekala le enywa kenywa, le maatlafatšwa ke Morara. A yeo ke nnete? Gomme ge lekala lela la pele leo le tšwago go Morara wola wa Pentecostal, le ngwadile puku ya Ditiro, ge mohlare wola o ka tsoge wa hloga lekala le lengwe, le tla ngwala Puku ye nngwe ya Ditiro. Gobane, le—le ka se tšweletše lefodi, gomme morago legapu, gomme morago garenate. Le tla tšweletša kenywa ya go swana, nako le nako, gobane Ke Bophelo bja go swana bo yago go kgabola Morara. Bjale a le a kwešiša?

300 Bjale, Leineng la Jesu Kriste, wa Beibele ye, ke tšeela moya wo mongwe le wo mongwe ka fa ka tlase ga taolo ya ka, go tlhompho le letago la Modimo.

301 Bjale, ge o le moswaswalatši, o se dule boteletšana e ka ba bofe. Ke nako ya gago go tloga, gobane, elelwang, meboya ye mebe e tloga go yo motee go ya go yo mongwe. Gomme ba bantši mo, ba ba bego ba le ka dikopanong, ba tseba se se diregilego. Ge o . . . E no dula tuu. Ge o se; ge e ka ba eng e direga, ke tla ba le boikarabelo.

302 Bjale, mohumagadi, bjale se sengwe se diregile. Ke Bogona bja Gagwe. Bjale, ge Morena Jesu a ka nkutollela se sengwe seo o se dirilego, se sengwe seo o nyakago go se dira, se sengwe o nago sona goba o sego wa se dira, goba o swanetšego go se dira, goba se sengwe ka wena, o tla tseba.

303 Go no swana le ge A rile go Simone, O rile, “Leina la gago o Simone. O morwa wa Jona.” O mmoditše leina la gagwe. O e dumetše. Mosadi, O mmoditše, “O na le ta—ta taba ya madi.” E eme. Gomme O bile le . . . goba boka . . . Gabotse, se sengwe seo A tla se botšago yo mongwe, gore se sengwe se be se fošagetše ka bona, boka, mosadi o bile le bannabagatša ba bahlano.

304 Sengwe se sengwe, feela se sengwe boka seo, o a tseba e tla ba Jesu Kriste. A o a e dumela? [Kgaetšedi o re, “Amene.”—Mor.] E swanetše go tšwa maatleng a kagodimogatlhago. [“Nnete. Ke a e tseba.”] Wena, o tseba seo. [“Ke tseba seo.”] Go lokile.

305 Bjale, bjale, ge e ka ba mang a ka kgona go bona, Seetša se eme gare ga ka le mosadi. O no ba le temogo ya sona. Ga ke tsebe mosadi. Eupša e nong go mmotšiša se. Theetšang se. Feela bjale, se sengwe boka maikutlo a mabose ka kgonthe a etla. Ge yeo e le nnete, phagamela godimo. Le a bona? Se no ba thwi go mo dikologa. A ga le kgone go bona Seo? Ke sekgao se sengwe. Le a bona? Ke lebeletše thwi go Sona. Bjale, ge ke go šetša, o modumedi. Gomme o—o a tšaišega. Ya. Bjo bongwe bja mathata a gago a magolo, ke, gore, wena, o tšhogile ka kgonthe. Gomme ka letšhogo le, go go dirile go ba le kga—kga kgatelelo ya godimo ya madi. Yeo ke nnete tlwa. O a bona? Ya.

306 A o a dumela bjale? Bjale, go no bona bjale, gore e no—e no se . . . Le a bona, nka no tšea mosadi yo motee yola gomme ka ema mo, ka no tšwelapele ke bolela ka yona. Eupša, le a bona, go na le ba bangwe ba letile ka mothalong. Le a bona? Ba bangwe ba swanetše go tla. Kafa, le a bona, yohle e ka se be go motho o tee. O swanetše go ba le yo mongwe gape.

307 Eupša, bjale, a le ka—a le ka rata go bona ge eba Moya wo Mokgethwa o tla mmotša se sengwe gape? A le ka rata? E no phagamišang diatla tša lena gomme le re, “E tla nthuša kudu.”

308 A e tla le thuša? Go lokile. A re boneng. Ga ke tsebe se A le boditšego. Selo se nnoši ke se tsebago, e tla ba godimo ga theipi. Bjale, feela nakwana.

309 E no lebelela go nna gomme wa dumela. Feela boka Petro le Johane ba boletše, “Re lebelele,” gore, ka mantšu a mangwe, “re fe šedi ya gago.” Le a bona? “Gomme bjalo ka ge A bone gore ba bile le tumelo.” Gomme ke a bona gore o na le tumelo.

310 Gomme bjale, ee, ke a bona ke se sengwe go dikologa letsogo la gago. Oo, ke kgatelelo ya madi ya godimo. Ngaka o beile se sengwe go dikologa letsogo la gago. Yeo ke nnete. Ee, mohlomphegi. Yeo ke nnete. Uh-huh. Gomme o rile, “O na le kgatelelo ya godimo ya madi.” Gomme go na le se sengwe gape. Oo, ke a ba bona. Ba ya go bea se sengwe komana, go dira, oo, ke karo. O lokišetša karo. Gomme yeo e go bothata bja sesadi. Gomme seo se swanetše go ba ka go matšatši a mmalwa a go latela go tloga bjale. Yeo ke nnete. [Kgaetšedi o re, “Beke ye e latelago.”—Mor.] Yeo ke nnete.

311 Bjale, le bona se ke se rago? Le a bona? Go no tšwelapele o mmotša, go tšwelapele o bolela le yena, bontši bo ya pele. Le bona se ke se rago? Le a bona?

312 Bjale, ga se nna. Botšišang mosadi ge eba ke nnete goba aowa. Mmotšišeng, mang kapa mang yo a mo tsebago. Le a bona?

313 Lebelela ka tsela ye gape. A o a dumela gore Modimo a ka kgona go mpotša gore o mang? [Kgaetšedi o re, “Ee.”—Mor.] A e tla go thuša? [“Ke a tseba A ka kgona.”] Mdi. Dorns, o ka kgona go ya gae bjale le go dumela ka pelo ya gago yohle. Ya. Le a bona?

314 A le dumela Jesu Kriste bjale? Mohlomongwe re no phagamišetša diatla tša rena godimo le go Mo rapela nako yeo. Yena ke Modimo.

315 Tate wa Legodimong, re a Go leboga bakeng sa se. Re a rapela bjale, gore O tla dira batho go bona, gore re kgone go ba le bopaki, bjalo, Jesu wa go swana. Re ka kgona go paka mo mosong, gore, re Mmone. O be a le fa le rena bošegong bjo, ka sebopego sa Moya wo Mokgethwa. Re a Go rata, Morena Jesu. Dira batho bohle go bona le go dumela. Re a rapela, Morena, ka go la Jesu Leina. Amene.

Bjale, e nong go ba go hlomphega, tlhomphekologo, le tlhompho.

316 Bjale, bjale, mohumagadi yo a emego fa. Bjale, a re... Re a tseba...ga re tsebane seng, ke a nagana, a re a dira, mohumagadi, mohumagadi a emego pele ga ka? Ga o dire. Ga o ntsebe. Ga ke go tsebe. [Kgaetšedi o re, “Ee, mohlomphegi.”—Mor.] Eupša ga se nke a ke a mpona bophelong bja gagwe. Go lokile. Bjale, ba...

317 A le sa dumela, yo mongwe le yo mongwe? E nong go ba le tlhomphekologo. E nong go ba le tlhomphekologo ka kgonthe. “Ge o ka kgona go dumela, dilo tšohle di a kgonega.” Amene.

318 Ke bone se sengwe se direga. Ke no ya go leta motsotso. Go lokile. Bjale lebelela ka tsela ye, motsotso feela, kgaetšedi, wena o emego fa mo sefaleng. Ge ke sa go tsebe, eupša Modimo o a go tseba, ge A ka ntumelela go tseba se sengwe ka wena, seo—seo o se tsebago. Ge ke sa tsebe selo ka wena, o no ba mosetsebje go nna. Eupša ge A ka utolla se sengwe go nna, seo o tsebago ge eba ke nnete goba aowa, o ka kgona go paka go seo, ge e le nnete goba phošo.

319 Eupša, wena o, bjo bongwe bja mathata a gago a magolo, gomme bothata bja gago bjo bogolo ke, bjo ke, seemo sa letšhogo. O a tshwenyega, se se go file bothata bja mogodu. O na le bothata bja mogodu le seemo sa letšhogo. Gomme seemo sa letšhogo se go fa bothata bja mogodu, bjo bo hlolago go baba ka—ka botlase bja mogodu. Ke alesa ya mogodu thwi ka botlase bja mogodu. Kirisi le dilo di go dira o kgebe selo. Gomme ka gona ke go bona o retologa go tloga go dijo tše ntši tafoleng. Seo ke tlwa.

320 Gomme o bile le letšhogo le legolo le le sa tšwago go tla go wena. O bile le bohloko. Ke lehu. Ke monnamogatša wa gago, yo a sa tšwago go ya pele. E go dirile gore o tšhoge. Yeo ke nnete. A ga se yona? [Kgaetšedi o re, “Ee.”—Mor.] Ke a dumela o tla ba gabotse bjale. Sepela, eja selalelo sa gago. Jesu Kriste o go fodišitše.

321 O a dumela? E no ba le tumelo ka go Modimo. Yeo ke phetho. Le a bona?

322 Bjale, mohumagadi yo fa, a o ka lebelela ka tsela ye feela nakwana? Re basetsebane seng sa rena. Ga re tsebane seng, eupša Jesu Kriste o a re tseba bobedi. Gabotse, bjale, ge Morena Jesu a ka utolla se sengwe boka A dirile, a re go mosadi, “O ne bannabagatša ba bahlano,” gomme o—o. . . goba, “O na le sešo, alesa, kankere; o na le mathata a selapa,” goba e ka ba eng e lego, o a tseba e tla swanela go tšwa go Modimo, a o ka se ke? [Kgaetšedi o re, “Ee.”—Mor.] Le a bona, O nno botša mosadi yola selo se tee, gomme toropokgolo ka moka e sokologile.

323 Gomme Yena šo, o dira bontši bjale, ka gore O rile, “Mediro ye Ke e dirago le tla e dira le lena, le ye mentši go feta wo le tla e dira.” Ke a tseba King James e re “ye megolwane,” eupša Emphatic Diaglott e re “bontši.” O be o ka se kgone go dira ye megolwane e ka ba efe; O emišitše tlhago, o tsošitše bahu. O ka no dira bontši bja yona, le a bona, bontši sebakeng sa boleng.

324 O a tlaišega, le wena, ka seemo sa letšhogo. O na le bothata bja sehumagadi, e lego go tšwa taolong ga sesadi. Gape o na le bothata bja mogodu bjo bo go tshwenyago. Yeo ke nnete. A o a dumela A ka kgona go go fodiša? A o a dumela O tla dira? O na le yo mongwe pelong ya gago, a ga o? Monnamogatša wa gago. Ga a fa. O a dumela nka go botša eng. Ge Jesu a ka utolla se e lego phošo ka monnamogatša wa gago, a o tla ntumela go ba moprofeta wa Gagwe, goba mohlanka wa Gagwe? O tšhogile ka kgonthe, gomme go mo hloletše go ba le bothata bja proseteite. Yeo ke nnete. A ga se yona? Eba le tumelo. O se belaele. E no dumela, ka pelo ya gago yohle.

325 Fa, feela motsotso. Se sengwe se a kgatlampana. Ee. Sona sese. Ke mmago. Yoo ke yena, a dutšego thwi morago fale, mo mafelelong a setulo. O na le bolwetši bja Parkinson. Gomme o a mo rapediša. A yeo ga se nnete? Mdi. Harris, leo ke leina la gago. Dumela ka pelo ya gago yohle, gomme o ye morago. Bea diatla tša gago godimo ga monnamogatša wa gago, mmago, gomme o fole, Leineng la Morena Jesu Kriste.

326 Eba le tumelo go Modimo. A o dumela Modimo? Bjale, ke nagana re no swanela go Mo rapela. A ga le nagane bjalo? A re nong go Mo tumiša, re re, “Ke a Go leboga, morategi Morena.”

327 Tate wa Legodimong, re Go leboga bjang, re a Go tumiša! A go šegofatšwe Leina le lekgethwa la Morena Jesu Kriste. Re Go

fa letago, tlhompfo, ditebogo, le tumišo, le thata, ka go la Jesu Leina. Amene.

328 Eba le tumelo. O se belaele. E no dumela se Modimo a se boletšego ke Therešo. Seo ke sohle o swanetšego go se dira. Bjale ebang tlhompokgolo ka kgonthe gomme le šetše ka tsela ye.

329 Bjale, monna šo. Re basetsebane seng sa rena, eupša Jesu Kriste o re tseba bobedi. A o a Mo dumela? A o ntumela bjalo ka mohlanka wa Gagwe? O tla dira.

330 Bjale, ge Jesu a kopane le motho, e bile, gore re Mo hwetša a dira mohlolo, e bile Simone. A e be e se yona? Yoo e bile monna wa mathomo A kopanego le yena. Go lokile. O boditše Simone leina la gagwe e be e le mang.

331 Bjale, Morena a nthuše go tseba se sengwe seo se fošagetšego ka wena, gore ke sona. Ee, ke a se bona bjale. Ke bothata bja lela: lelalegolo. Ke lelalegolo le le tletšego. Ga o tšwe mo, le wena. O tšwa Bodikela, ka tsela ye. O tšwa California.

332 Go na le yo mongwe le wena. O na le karata ya thapelo, go rapelelwa, bošegong bjo. O dutše ntle kua bjale. Ke mogwera wa gago. Gomme o tlaišega ka seemo sa letšhogo, boka go phuhlama ga megalatšhika. A o a dumela o ya go fola? [Ngwanešu o re, "Haleluya!"—Mor.] Ke dira bjalo. A o a dumela bjale gore Jesu a ka kgona go mpotša leina la gago ke eng? Mna. Hamby. Gona, boela morago, bea diatla tša gago godimo ga mogwera wa gago. Gomme dumela ka pelo ya gago yohle, gomme bobedi le ka kgona go ya morago le go fola, Leineng la Morena Jesu Kriste.

333 A le a dumela? Bjale rapelang. E no mphokodiša. Gomme e ya thwi bjale, le a bona. Rapelang. Gomme re tla no thoma go rapelela balwetši bjale.

334 Go bjang? O bolela Seisimane? [Kgaetšedi o re, "Ee, ke a dira."—Mor.] O a dira. A o ntumela go ba mohlanka wa Modimo? ["Ke a dumela."] Seo ke se Morongwa a se boletšego go nna, o rile, "Ge o ka kgona go dira batho go go dumela." E sego go ntumela bjalo ka Yena, eupša go dumela O nthomile. Ke bakeng sa mošemane wa gago yo monnyane. Yeo ke nnete. A o a dumela Modimo a ka kgona go mpotša gore bothata bja gagwe ke eng? ["Ee."] O tla e dumela? ["Ee, ke tla dira."] O tšhogile. Le hlotšwe go tšwa go letšhogo. Mpša e mo tšhošitše. Yeo ke nnete. O ya go ba gabotse. Mo tšeale morago. Dumela ka pelo ya gago yohle, o tla ba gabotse. Ke letšhogo. Ke tla bea diatla tša ka godimo ga gago, ka go la Jesu Leina. Se boife. Se boife, gomme o tla e fenyā, le go ba gabotse. O a bona? Leboga.

335 A o dumela ka pelo ya gago yohle? Amene. "Ge o ka kgona go dumela."

336 Mohumagadi yo a dutšego fa, a bolelago le yo mongwe fale, ka bothata bjola bja disaenase. Lebakana la go feta, se sengwe sela se diregile go wena, seo ke saenase ya gago e fodile. Amene.

O a e dumela, gomme eya gae bjale gomme o dirwe go fola. Uhuh.

337 A le a dumela? Ntle kua ka batheeletšing, a le a dumela?

338 O nagana eng, ka seatla sa gago godimo, o dutšego ntle kua? A o ntumela go ba moprofeta wa Modimo? Gona go tsupuga moo ga setho go ka se go tshwenya gape. Mosadimogatša wa gago o babja gampe. Dingaka ebile ga di tsebe se e lego phošo ka bona. E no bea seatla sa gago godimo ga gagwe, dumela ka pelo ya gago yohle. O tseba se e lego phošo ka yena. O tla fola, ge o ka e dumela.

339 A o a dumela Modimo o fodišitše bothata bja pelo ya gago, o eme fale? Gona eya morago gae, o fole.

Bjale, ge yo e se Jesu Kriste magareng ga rena!

340 O nagana eng ka yona, mohumagadi yo monnyane a dutšego fale a ntebeletšego thwi, fale ka mothalong wa bobedi? O na le bothata bja sefega. A o a dumela Jesu Kriste o go dira o fole? Emelela ka maoto a gago gomme o e amogele gona. Amene.

Eba le tumelo go Modimo. O se e belaele.

341 Mohumagadi fale, o lebeletše godimo go yena, gomme mohuta wa go ba le kwelobohloko le yena, selampa se sehubedu, a dutšego godimo. O na le bothata bja disaenase. A o a dumela Morena Jesu o go dira o fole? Ya. Emelela ka maoto a gago gomme o e amogele, gomme o fole. Amene. Yeo ke tsela ya go e dira. Uhuh.

342 O nagana eng ka yona, o dutšego fale, ngwanešu? O ntumela go ba moprofeta wa Gagwe? A o a dumela Modimo a ka kgona go mpotša bothata bja gago? Aletši ya gago e ile. Jesu Kriste o e dira e fole. Haleluya!

343 A o a e dumela, ka pelo ya gago yohle? Amene.

344 Huh? Re eme kae, karata lesometlhano? A e be e le se e bego e le sona, karata ya thapelo lesometlhano? Ke ba bakae gape ba nago le dikarata tša thapelo ka fa? A re fetšeng dikarata tše tša thapelo. Lokologana tlase fa ka lehlakoreng.

345 A nke ke le bontšheng. A nke ke no le bontšha gore phodišo ga se ya monna yo motee feela. A nke ke le bontšheng se Modimo a ka kgonago go se dira ka bahlanka ba Gagwe ba go kokobela fa. Etlang fa, baena. Ke a makala ge eba lena baena le sepelela thwi tlase fa, thwi fa le nna. Sepelang, etlang thwi go tloga sefaleng, sepelelang thwi tlase fa motsotso. Ya. Go lokile. Re ya go dira. Re tla ba rapelela thwi fa. Ke nyaka batho ba bone seo, gore Modimo o šomiša bahlanka ba Gagwe. Etlang. Etlang. Lena, lena badiredi, etlang thwi tlase fa. Ke ya tlase fa le lena. Le a bona? Ke tla le bontšha gore Modimo o fodiša balwetši ka badiša ba lena. [Ngwanešu o re, "Go theoga, go tšwa sefaleng?"—Mor.] Ga go kgathale, tsela e ka ba efe o nyakago. Amene. Yeo ke nnete.

346 Lena batho bohle bao le nago dikarata tša lena tša thapelo, sepelelang godimo fa. O se e belaele. E dumele. O dumela ka pelo ya gago yohle bjale?

347 Bjale, badiša, ba bangwe ba lena tlase kua, ke nyaka yo mongwe le yo mongwe wa lena. Ge ke sa rapela, ke le nyaka bohle, ba bangwe ba lena eyang tlase fale, le go ba le nnete gore seatla sa gago se kgwatha yo mongwe le yo mongwe ka mothalong wola. Le a bona? Nka se kgone go fihla go yo mongwe le yo mongwe wa bona, eupša o ka kgona. Yeo ke yona. Eyang tlase kua, eyang thwi magareng ga bona.

348 Lena batho bohle ntle fale, dumelang bjale. Re tla tla go lena feela mo nakwaneng. Dumelang le rena bjale.

349 Yo mongwe le yo mongwe wa lena bohle fa, elelwang, Jesu Kriste o a le tseba. O tseba tlwa se le se naganago. Le tseba seo. Ga go yo motee wa lena eupša yo A tla le botšago feela bjale. Le bona seo. Gona O fa. Ke Yena. Ga se nna. Ke no ba ngwanabolena.

350 Bjale dumelang, ge ke sa rapela. Ke ya go le rapelela, le badiša ba.

351 Le a bona, ga ke nyake go tlogela toropo, batho ba nagana, “Gabotse, moebangedi o be a le ka fa. O dirile se.” Ke nyaka le tsebe gore modiša wa lena o na le maatlataolo a go swana. A ka no se bone dipono; tšeo mohlomongwe di tla gatee ka lelokong. Eupša—eupša o na le maatlataolo a go swana go tšwa go Modimo, go bea diatla tša gagwe godimo ga gago. Go no swana tlwa.

352 Bjale bohle a re rapeleng. Tšwelapele hlogo ya gago e inamišitšwe bjale. Gomme yo mongwe le yo mongwe wa lena, ge o ekwa diatla tša modiša yola di go kgwatha, e no elelwa, lahla karata ya gago ya thapelo, phagamišetša diatla tša gago godimo, gomme o leboge Modimo bakeng sa phodišo ya gago, gomme o sepelele morago kua gomme o bone se se diregago.

353 Tate wa rena wa Legodimong, re kgobokane mo bjale ka bogareng bja batho ba, ka Bogoneng bja Ramaatlakamoka Modimo, O Jehofa yo mogolo wa Gosafelego, Yo a tlišitšego pele Jesu Kriste, Morwa wa Gago. Ke a rapela bjale, bjalo ka badiredi ba, diatla tša Modimo. Gomme ge ke bea diatla tša ka godimo ga kgaetšedi wa rena mo, ke a rapela gore O tla kopana le bona, Morena, yo mongwe le yo mongwe. A nke maatla a Jesu Kriste a tle fase godimo ga batheeletši ba gonabjale, ge badiša ba ba kgwatha batho ba. Gomme a nke yo mongwe le yo mongwe wa bona a fodišwe, Leineng la Jesu Kriste.

354 Sathane, o lahlegetšwe ke phenyo. Jesu Kriste o gona, go tlotša disakatuku tše, go fodiša balwetši, go dira mošomo wo A tshepišitšego go o dira. Gomme rena, bjalo ka bahlanka ba Gagwe, re a go hlohla, ka tumelo ya rena beng ka go tsogo ya Gagwe, ka Bogoneng bja Gagwe bjale, ka morago ga mengwaga ye dikete tše pedi, a šoma semoyeng ka Kereke ya Gagwe. Etšwa

go batho ba. Leineng la Jesu Kriste, ba tlogele ba ikele. Etšwa, ka Leina la Jesu Kriste.

³⁵⁵ Bjale, ge ba sa bea diatla godimo ga balwetši, ge go na le modiradibe, goba motho yo a nyakago go phološwa, yo a nyakago go tla godimo go dikologa aletara bjale, go latela, phagamelela thwi godimo gomme o tle pele bjale. Re mo go direla. Ge bašomi ba sebele ba etla le bona, ba ba phagamelago godimo gomme ba etla.

³⁵⁶ Yo mongwe le yo mongwe a nyakago go tla godimo mo bjale bakeng sa thapelo, etla thwi pele. Ge eba o na le karata ya thapelo goba aowa, o amogetšwe go tla thwi mo bjale, le go ba le diatla di beilwe godimo ga gago. Etlala pele bjale, ge re sa letile.

³⁵⁷ Ge go na le e ka ba mang wa lena yoo a hlokago, a hlokago Moya wo Mokgethwa, a hlokago phološo, o hlokago phodišo Kgethwa, re fa, bjalo ka badiredi ba Kriste, go le hlankela ka go leemo la go bea diatla godimo, le go le bona le tladitšwe ka Moya.

³⁵⁸ Yo mongwe le yo mongwe yo a ka ratago go ba le Jesu yo a tsebago sephiri sa pelo ya gago! Wena motho yo a sa Mo tsebego, gomme o ikwela maikutlo a mannyane ale a go se tlwaelege go dikologa pelo ya gago, ke a tseba a mo. Moya wo Mokgethwa o mpošša bjalo. Etlala godimo mo bjale. Etlala godimo mo. Ge o ka emelela go tšwa setulong sa gago gomme wa sepela ka tsela ye, le go re, “Morena Jesu, ke a tla gobane ke a Go hloka, gomme ke tla go Go amogela,” Modimo o tla go fa kgopelo ya gago ge o ka se belaele. Gomme wa dumela ka pelo ya gago yohe gore dilo tše o di bonago gonabjale ke mediro ya Jesu Kriste! Ge o le Momethodist, etla pele. Ge o le Mobaptist, Monazarene, Mopilgrim Holiness, Mokatoliki wa Roma, Mojuda wa orthodox, modiradibe wa maemo, mohlokamodimo; Ga ke kgathale o mang. Sepelela godimo mo, o dumela Modimo, gomme o bone se se diregago gonabjale. Etlang. Ke nyaka go le bona le kgobokane fa.

³⁵⁹ Ke a dumela, Moya wo Mokgethwa, ka go nakwana ye kgolo ye ye bohlokwa, iri ye kgolo ye, ge ebile re fetile nako, eupša, efela, ke a dumela gore gonabjale Modimo o ya go kopana le kgopelo ya gago ge o no ntumela. Le Mmone a tšea. . . Ka nnete ke le botšša Therešo.

Go lokile, kgaetšedi, o ka kgona go ya thwi tlase kua, wa dirwa go fola. O a bona?

³⁶⁰ Bjale, ka nnete le tla ntumela. Go na le yo mongwe le yo mongwe wa lena mo bjale yo a nago le tlhoko ya Modimo. Etlala, ema, goba ema go bapa le lehlakore. Felotsoko, e no phagama ka maoto a gago, eba hlatse, e re, “Ke a hlatsela, Morena,” gomme ka gona ge go le selo se sengwe sa go fošagala. Ema moo o lego. Ema thwi godimo ge o—ge o hloka Modimo. Yeo ke nnete. Ge o sa kgone go emelela. . . Yeo ke yona. “Ke a Go hloka, Kriste.”


³⁶¹ Bjale, hle ntumeleng. A le a ntumela? A le a dumela ke Modimo a bolelago le nna? Ge di dira, phagamišetšang diatla tša lena godimo, ge le dumela. Ke a le leboga. Bjale, gobane le a dumela. . . Ge ke le boditše Therešo, Modimo ke hlatse, ke le boditše Therešo. Modimo o fa, hlatse, ke le boditše Therešo.

³⁶² Bjale, ke le botša Therešo bjale. Ge le ka lebelela godimo go Modimo, gomme ka tumelo la re, “Morena Jesu.” Ge o le modiradibe, e re, “Ke ipolela dibe tša ka.” Ge o nyaka Moya wo Mokgethwa, e re, “Morena, ke—ke hloka ditšhegofatšo tša Gago, go nthwala go kgabola bophelo. Ke nyaka Moya wo Mokgethwa.” Ge o babja, e re, “Ke hloka phodišo, Morena, gomme bjale ke e amogela go tšwa go Wena. Ke a e dumela.” Ge o ka e dira, gona o tla e amogela.

³⁶³ Bjale a re nong go phagamišetša diatla tša rena godimo, yo mongwe le yo mongwe ka tsela ya gago mong. E swanetše go ba boipolelo bja gago. Gomme ke ya go le rapelela mo. Bjale le a e dumela, gomme rapelang. Ke ya go go rapelela, gomme o ithapelele wena mong. E no rapela. Ipolele diphošo tša gago mong. Ipolele bofokodi bja gago. Dira tshepišo ya gago go Modimo gore ga o sa fokola gape; o tiile. Ga o lefšega. Ga o ye go babja. Ga o sa ya go hlankela sebe. O ya go hlankela Modimo. Dira boipolelo bja gago gomme o bo dumele. Ke soulo ya gago. Ke boikarabelo bja gago. Yeo ke nnete.

Yo mongwe o rathile mollo. Yeo ke tsela ya go e dira. E no e dumela.

³⁶⁴ Morena Jesu, iri ye kgolo ye e mo, ye kgolo, nako ye bohlokwa. Letšatši la mafelelo la monyanya le mo, nako ya mafelelo, sebakabotse sa mafelelo. Batho ba ba a hloka. A nke Moya wo Mokgethwa o we, Morena. A nke batho ba O bone, ba O kwe, ba tsebe gore yoo ke Modimo, Kriste ka bophelong bja bona, o leka go tla ka gare ka nako ye, le go ba fa ditlhologelo tše kgolo tša go teba tša pelo ya bona. E fe, Morena. Tlatša ba . . . bona ka Moya wo Mokgethwa. Fodiša balwetši. Hwetša letago go Leina la Gago.

³⁶⁵ Bjale, Sathane, o lahlegetšwe ke ntwa. O lahlegetšwe ke kopano. O lahlegetšwe ke phenyo. Ke tleleima phenyo, Leineng la Jesu Kriste, bakeng sa motho yo mongwe le yo mongwe ka mo. Ešwa ka mo, Sathane. O ka se sa kgone go ba swara. Ke a ba tleleima, diala, bakeng sa Morena Jesu Kriste. Amene. 

63-0607 Se Boifeng
Ramada Inn
Tucson, Arizona U.S.A.

NORTH SOTHO

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org